



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

10931

10932

10933

10934

891.99

ru-91

3 14

Ch 6

Կ Ա Ր Գ

ԱՍՏՈՒԱԾՊԱՇՏՈՒԹԵԱՆ

ՀԱՅԱՍՏԱՆԵԱՅՑ Ս. ԵԿԵՂԵՑԻՈՑ

Գ Ա Ս Ա Գ Ի Բ Գ

Թեմական եւ ծխական հոգևոր դպրոցների
եւ ընծայարանների համար:

Կ Ա Ջ Մ Ե Ց

Գ Ի Ի Տ Բ Ե Հ Ա Ն Ե Ա Յ Ա Ղ Ա Ն Ե Ա Ն Ց

2013

Տ Փ Խ Ի Ս

Տպ. Ս. Շարաձէի || Тип. М. Шарадзе.

1895

Дозволено цензурою Тифлисъ, 30 декабря 1894 г.

97743 - 42



1354-2004

Ի ՀԱՅՐԱՊԵՏՈՒԹԵԱՆ

Տ. Տ. ՄԿԲՏՉԻ Ա.

ՎԵՀԵՓԸՐ ԵՒ ՍՐԲԸՋՆԱԳՈՅՆ ԿԱԹՈՒՂԻԿՈՍԻ

ԱՄԵՆԱՅՆ ՀԱՅՈՑ

ԳԲԻԱՆ

ՎԵՆՓՈՒ ԿԵՐՈՒՂ ԻՊՈՍԻ

ԱՄԵՆԱՅՆ ՀԱՅՈՑ

Թ. 2184

30 Դեկտ. 1894 ամի

Ի Տփիսիս

Աշխատասիրեալն ի Չեզ և Կարգ
 Աստուածպաշտութեան Հայաստա-
 նեայց ս. Եկեղեցոյ՝ Նորին Վեհա-
 փառութիւնն յանձնարարեալ էր ի
 քննութիւն Գերապատիւ Տ. Արիս-
 տակէս Եպիսկոպոսի Դատեան,
 որոյ քննեալ եւ զարդիւնս քննո-
 թեան առաջի արարեալ Վեհափառ
 Հայրապետի Ազգիս ընդ իրրոմն հն-
 ականութեան ետ զհորն կարծիս, եթէ
 կարէ տպագրիչ երկր: Ուստի՝ ըստ
 պատռոխրանի Նորին Վեհափառո-
 թեան Գիտնս յայտ սոնէ Չերուդ
 բարեկրօնութեան, եթէ թոյլատրեալ
 է Չեզ տալ երկր ի տպագրեչ եւ
 այժմէն իսկ շնորհի Չեզ իրաւունս
 յետ տպագրութեան տալ մոռձակեչ
 ի թիւս արտօնեալ դասագրոց եկե-
 դեցական-ծիսական դպրոցաց մերոց:

Պաշտօնակ. Գիտնանդարի՝ Յռուիկ արեղայ Զոհրարեան

ՆՈՐԻՆ ԲԵՐԶՐ ՍՐԲԵԶՆՈՒԹԵԱՆ

Վիճակաւոր Առաջնորդին Հայոց
Վրաստանի և Իմերեթի

Տ. ԳԵՈՐԳ. ԱՐՔԵՊԻՍԿՈՊՈՍԻ

ՍՈՒՐԵՆԵԱՆ

ՀԻՄՆԱԴՐԻ ԸՆԾԱՅԱՐԱՆԻ ԹԵՄԻՍ

Խոնարհաբար Առնիրում՝ է

Աշխատասիրող.

Յ Ա Ն Կ

Ա. ԱՍՏՈՒԱԾՊԱՇՏՈՒԹԻՒՆ:

- ա. Ի՞նչ է Աստուածպաշտութիւնը.
- բ. Սահմանողը.
- գ. Տեսակները.
- դ. Եղանակը.
- ե. Կոչնակ և զանգակ.
- զ. Լեզուն.
- է. Հասարակաց Աստուածպաշտութեան բաղկ. մասերը.

Բ. ՍՐԲԱԶԱՆ ԳՈՐԾՈՂՈՒԹԻՒՆՆԵՐ ԱՍՏՈՒԱԾ- ՊԱՇՏՈՒԹԵԱՆ ԺԱՄԱՆԱԿ:

- ա. Խաչակներէլ.
- բ. Երկրպագել և գլուխ խոնարհեցնել.
- գ. Ծնրադրութիւն.
- դ. Խնկարկել.
- ե. Օրհնել խաչով, աւետարանով և այլն:
- զ. Թափօր և անդաստան.
- է. Նախատօնակ.
- ը. Հսկումն.

Գ. ԱՍՏՈՒԱԾՊԱՇՏՈՒԹԵԱՆ ՏԵՂԸ—ԵԿԵՂԵՑԻ.

- ա. Արևելեան և արեւմտեան եկեղեցի.
- բ. Տաճարի ձեւը.
- գ. Եկեղեցու մասերը.

- Գաւիթ.
- Ատեան.
- Դաս.
- Աւագան.
- Բեմ կամ ամբիոն.
- Սեղան.
- Վարագոյր.
- Խաչկալ.
- Ընծայարան կամ խորհրդանոց.
- Սարկաւագատուն կամ խորան.
- Եկեղեցու հիմնարկերը.
- „ նաւակատիբը.
- „ օճուճը.

Դ. ԱՍՏՈՒԱԾՊԱՇՏՈՒԹԵԱՆ ՊԱՇՏՕՆԵԱՆԵՐԸ—
ՆՈՒՒՐԱՊԵՏՈՒԹԻՒՆ ԵԿԵՂԵՑՒՅԻՑ.

- ա. Հայրապետ.
- բ. Եպիսկոպոս.
- գ. Վարդապետ.
- դ. Քահանայ.
- ե. Սարկաւագ.
- ը. Կիսասարկաւագ.
- է. Չահնկալ.
- բ. Երդմնեցուցիչ.
- թ. Դպիր կամ բնթերցող.
- ժ. Դռնապան.

Ե. ԱՍՏՈՒԱԾՊԱՇՏՈՒԹԵԱՆ Ս. ՍՊԱՄԵՐՆ ՈՒ
ԱՆՕԹՆԵՐԸ.

- ա. Սկիհ եւ յաղճայ.
- բ. Մանատուփ.
- գ. Բաժակաման.
- դ. Խնկանոց կամ բուրվառ.

- ե. Տապանակ կամ խնկաման.
- զ. Խաչվառ կամ վառ.
- է. Քշրց.
- ը. Խաչ.
- թ. Միւռունաշէշ.
- ժ. Կոնք, դոյլ, ղենջակ կամ թաշկինակ.
- ժա. Պատկեր.
- ժբ. Գրակալ.
- ժգ. Աշտանակ, կերոն, յոմ, ջահ.

Զ. ԱՍՏՈՒԱԾՊԱՇՏՈՒԹԵԱՆ ԺԱՄԱՆԱԿ ԳՈՐԾ—
ԱԾՈՒՈՂ ԶԳԵՍՏՆԵՐՆ ՈՒ ԶԱՐԳԵՐԸ:

- ա. Ընդհանուր զգեստներ
 - Սքեմ
 - Վեղար
 - Փիլոն
 - Գաւազան— օձազարդ եւ հովուական
 - Մատանի
 - Հողաթափ
- բ. Սարկաւագի, կիսասարկաւագի եւ դպիրների զգեստներ.
 - Շապիկ.
 - Ուրտր.
 - Բաղկուրար.
- գ. Քահանայի զգեստներ.
 - Սաղաւարտ.
 - Շապիկ
 - Փորուրար.
 - Գօտի.
 - Թաշկինակ
 - Բազպան.
 - Վահաս.
 - Շուրջառ կամ նափորտ.
- դ. Եպիսկոպոսական զգեստներ.
 - Թագ կամ խոյր.

Արտախուրակներ.

Եմիփորոն.

Ե. Հայրապետական զգեստներ եւ զարդեր.

Կոնքեռն.

Արծուէզորդ.

Է. ԱՍՏՈՒԱԾՊԱՇՏՈՒԹԵԱՆ Ս. ԳՐԳԵՐԸ.

ա. ս. Աւետարան.

բ. Ժամագիրք—Հասարակաց կարգ աղօթից.

Ընդհանուր գիտելիք

Գիշեր ժամոռ աղօթք—մեկնութիւն.

Գործնական վարժութիւն (Հասարակ օր, կիրակի, մեծ պահք).

Առաւօտեան.—մեկնութիւն.

Գործն. վարժ. (Հասարակ օր, կիրակի, մեծ պահք)

Արեւուզայի—մեկնութիւն.

Գործնական վարժութիւն.

Երրորդ ժամոռ—մեկն.

Գործնական վարժութիւն.

Վեցերորդ ժամոռ—մեկն.

Գործն. վարժութիւն.

Իններորդ ժամոռ—մեկն.

Գործն. վարժութիւն.

Երեկոյեան—մեկն.

Գործն. վարժ. (Հասարակ օր, կիրակնամուտ)

Խաղաղական—մեկն.

Գործն. վարժութիւն.

Հանգստեան—մեկն.

Գործն. վարժութիւն.

դ. Հարական

Չայներ.

Համառօտութիւններ.

դ. Ճաշոց գիրք.

ե. Խորհրդատետր կամ պատարագամատոյց.

ս. Պատարագ.

Սահմանողք.

Նիւթք.

Կատարողք.

Օրերք.

դ. Տաղարան.

է. Տօնացոյց.

ը. Մաշտոց—Առ ձեռն եւ Մայր.

թ. Կանոնադիրք.

ժ. Յայտնաւորք.

Ը. ԱՍՏՈՒԱԾՊԱՇՏԱԿԱՆ ԾԷՍԵՐ.

ա. Խորհուրդների կատարման ծէսերը—Եօթն խորհուրդ

բ. Տօները.

Անշարժ.

Հարժական.

Տէրունական.

Աստուածածնի.

Սրբոց.

Տօնական յատուկ շաբաթներ.

Աւագ տօներ.

դ. Նիւթական եկեղեցու կաղմակերպութիւնք.

դ. Ս. Խաչի, սրբոց մասունքների եւ պատկերների յարգութիւնք.

ե. Պահք եւ ծով.

Պահքի տեսակները.

դ. սրբազան արարողութիւններ.

Խաչալուայ.

Ննջեցելոց թաղումն.

Մաղթանք.

Կալօրհնէք եւ հնձանօրհնէք.

Մատաղ.

Զգեստ, սկիհ եւ մաղզմայ օրհնել.

է. Հոգեւոր աւանդութիւններ.

Մասն.

Ժամոց, յաշիւք, գանձանակ.

Ուխտ.

Սեղան.
Ուռ բաժանելը.
Կարագ բաժանելը.
Հրավառութիւն.
Աղանի թռցնելը:

ԳՐԱԿԱՆՈՒԹԻՒՆ.

(Բացի մեր հին մատենագրութիւնից սյս դասագիրքը կազմելիս օգուտ եւ քաղել նաեւ հետեւեալ նորագոյն գրուածներէց):

Այվազեան Գ. եպ. Աստուածաշտուածիւն (անտիպ.)
Գանձարան ուխտականութեան. Ն. Նախիջևան,
1790.

Գիրք մեկնութեան. Իզմիր, 1759.

Թորոս Զաւղայեցի, նուիրապետութիւն Հայ. եկեղեց-
ւոյ 1892 Երուսաղէմ (յաւելուած օրացուցի).

— — Խորհուրդ ս. պատարագի 1891
Երուս. (յաւելուած օր.)

Մանգինեան Ստ. ք. Աստուածաշտուածիւն. 1872.

Յօճան նօտար Կարնեցի. Համառօտ մեկնութիւն
ս. պատարագի. 1802 (գրչ.)

Տէր-Սարգսեան Սահ. ք. քննական կրօնագիտու-
թիւն, Կ. Պօլիս 1874.

Օրմանեան Մաղ. եպիս. Աթոռ Հայաստանեայց.
Վաղարշապատ, 1886.

Ա. ԱՍՏՈՒԱԾՊԱՇՏՈՒԹԻՒՆ

ա. Ինչէ Աստուածաշտուածիւնը:

Աստուածաշտուածիւնը այն ծառայու-
թիւնն է, որ մատուցանում ենք Աստծուն, իսկ
Աստուածաշտուածեան կարգը այն արարո-
ղութիւններն ու ծէսերն են, որոնք կատար-
ւում են եկեղեցիներում հրապարակով: Մենք
պարտաւոր ենք մեր հօգին և զգացմունքը վեր
ուղղել դէպի Աստուած և պաշտել նորան
բոլոր սրտով, խոստովանելով որ նա է մեր
տէրն ու արարիչը և մենք ոչինչ ենք նորա
առջև, պէտքէ շնորհակալ լինինք նորա տուած
ողորմութիւնների համար, զղջանք մեր մեղ-
քերը, հայցենք նորա գթութիւնն ու օրհնու-
թիւնը և կատարենք նորա պատուէրները:

բ. Սահմանողը:

Աստուածաշտուածեան գլխաւոր հիմնա-
դիրը է մեր տէր Յիսուս Քրիստոսը և նոյնը
հաստատեցին առաքեալները, ինչպէս ասումէ
Պօղոս առաքեալը. — Կրթեա՞ զանձն քո յԱս-

տուածպաշտութիւն, զի մարմնոյ կրթութիւն՝ առ սակաւ ինչ օգտակար է, իսկ աստուածպաշտութիւն առ ամենայն ինչ օգտակար է, և զաւետիս կենաց ունի՝ զարդիս և զհանդերձելոյն»։ Իսկ մեր եկեղեցու աստուածպաշտութեան կարգերի ու արարողութիւնների հիմքը դրին Ս. Թադէոս և Բարդուղիմէոս առաքեալները, որոնք նորա ապագայ կարգաւորութիւնը յանձնեցին իրանց յաջորդ եպիսկոպոսներին։ Աստուածպաշտութեան կարգերը ճոխացրեց և կարգի դրեց Ս. Գրիգոր Լուսաւորիչը, իսկ այնուհետև Գիւտ կաթողիկոս, Ս. Սահակ և Մեսրոպ թարգմանիչներ և ս. Յովհան Մանգակունի հայրապետը զարգարեցին զանազան երգերով, աղօթքներով և ընթերցուածներով։

գ. Տեսակները:

Աստուածպաշտութիւնը երկու տեսակ է կատարւում. — մասնաւոր և հասարակական։

Մասնաւոր. մարդս պարտաւոր է պաշտել Աստծուն առանձին, բանալով իւր հոգին նորա առջև, յայտնելով նորան իւր կարիքները և աղօթելով ու կարգալով նորա խօսքը. այս աղօթքը և պաշտամունքը, որ կատարւում է տնային կերպով, անուանւում է *մասնաւոր*։ Մասնաւոր է և այն պաշտօնը, որ մարդս կատարում է իւր ընտանիքի հետ՝

զերդաստանի մէջ բարեպաշտութեան զգացմունքը վառ պահելու և Աստուծոյ օրհնութիւնը ստանալու համար։

Հասարակական. բացի մասնաւոր աղօթքից մենք պարտական ենք միաբանութեամբ պաշտօն մատուցանել Աստծուն եկեղեցիների մէջ հասարակաց բարօրութեան և խաղաղութեան համար. այդպիսի աղօթքը, որ կատարւում է որևէ տեղի բոլոր հաւատացեալների ներկայութեամբ դորա համար սահմանուած տեղերում և նշանակուած պաշտօնեաների ձեռքով, կոչւում է *հասարակական աղօթք*։ Միաբանական աստուածպաշտութիւնը մի գեղեցիկ միջոց է հաւատի մէջ յառաջդիմելու և հաւատացեալների մէջ բարեպաշտութեան և մարդասիրութեան զգացմունքը զօրացնելու։

դ. Եղանակը:

Աստուածպաշտութեան արտաքին նշաններն են՝ խաչակնքելը, չոքելը, որ խոնարհութեան նշան է, ծնրադրութիւնը, որ նշան է մեր ոչնչութեան Աստուծոյ առջև, արտասուելը, կարգալը, սաղմոսելը, բարձրաձայն աղօթելը և այլն. բայց եթէ այս արարողութիւնները կապուած չեն մեր ներքին հոգեկան պաշտօնի հետ, այն ժամանակ մեր աստուածպաշտութիւնը ճշմարիտ չէ, այլ միայն

մի ձևական բան. ուստի և աստուածապաշտու-
թիւնը պէտքէ կատարել խորին յարգանքով,
ուշադրութեամբ, հեզութեամբ, հոգու և մար-
մնի մաքրութեամբ և ջերմեռանդութեամբ:

ե. Կոչնակ եւ զանգակ:

Հասարակաց Աստուածապաշտութեան հրա-
ւիրելու համար հին ժամանակ գործ էր
դնուում կոչնակը, որ փայտեայ կամ երկաթեայ
տախտակաձև մի գործիք էր, որի վերայ ձողը
խփելով՝ հաւատացեալներին ժամ էին հրաւի-
րում:

Իսկ վերջին ժամանակները կոչնակին փո-
խարինեց զանգակը:

Կոչնակը յիշեցնում է մեզ հրեշտակապե-
տի փողը, որ աշխարհիս վերջին պէտքէ կան-
չէ բոլոր կենդանիներն ու մեռեալները Աս-
տուծոյ ահեղ դատաստանի առջև:

Մեզանում զանգակը ընդունուած է հրն-
չեցնել իւրաքանչիւր ժամերգութիւնից առաջ,
Ս. պատարագից առաջ, անդաստանի, նախա-
տօնակների, յուղարկաւորութեան ժամանակ
և այլն:

զ. Լեզուն:

Հայաստանեայց եկեղեցին Աստուածապա-
տութիւնը կատարում է հայերէն գրաբար լե-
զուով, որպիսի լեզուով գրուած են մեր եկե-

ղեցական բոլոր գրքերը, և երբէք թոյլատ-
րուած չէ աշխարհաբար լեզուով կատարել:

**ե. Հասարակաց Աստուածապաշտութեան բաղկա-
ցուցիչ մասերը:**

Հասարակաց Աստուածապաշտութիւնը հե-
տևեալ հոգևոր գրուածքներից է բաղկանում.

Ս. Ս. Գիրք, որից կարգացուում են՝ *չին*
կտակարանից նշանաւոր դէպքերը, օր. Մով-
սիսի, Յովբի, Սողոմօնի, Մարգարէների, Յե-
սուի, Թագաւորների և Մակաբայեցիների գրք-
քերից և Սաղմոսը ամբողջ. իսկ *Նոր կտակա-
րանից՝* չորս Աւետարանը լիովին, Գործք ա-
ռաքելոցը և Առաքելական թղթերը:

Բ. Հոգևոր երգեր կամ շարականներ,
որոնք բաղկացած են ութն ձայներից—աձ.
ակ. բձ. բկ. գձ. գկ. դձ. և դկ. բացի սոցա-
նից կան նաև ստեղի կոչուած ծանր շարա-
կաններ, և առանձին ձայնով այլ և այլ հո-
գևոր երգեր:

Գ. Աղօթքներ.

Դ. Սրբազործութիւն.

Ե. Կրօնական դաստիարակութիւն կամ
բարոգութիւն:

1354-2004



Բ. ՍՐԲԱԶԱՆ ԳՈՐԾՈՂՈՒԹԻՒՆՆԵՐ ԱՍՏՈՒԱԾ-
ՊԱՇՏՈՒԹԵԱՆ ԺԱՄԱՆԱԿ

Աստուածպաշտութեան ժամանակ կատարուամ են հետեւեալ սրբազան գործողութիւնները.

Ա. *Խաչակնքել անձը*, որով լիշուամ ենք մեր Փրչի խաչի վերայ մահը մարդկային ազգի փրկութեան համար և խնդրում ենք Աստուծոյ ողորմութիւնը:

Բ. *Երկուպագուլթիւն եւ գլուխ խոնարհեցնելը*, որով ցոյց ենք տալիս մեր ծառայութիւնը և հեզութիւնը Աստուծոյ առջև, խոստովանում ենք մեր մեղաւոր լինելը, իսկ միւս կողմից նշան է, որ մենք մասնակցում ենք աստուածպաշտական աղօթքներին և խնդրուածքներին:

Գ. *Ժ'ուսողութիւն'*, որով ցոյց ենք տալիս մեր անպայման խոնարհութիւնը Աստուծու առաջ և հնազանդութիւն նորա կամքին, դէպի որը մենք արժանի չենք մեր աչքերը բարձրացնել:

Խույ լիլի, ընդհանրապէս մարդիկ խուսիկ ծխելով նպատակ ունին իրանց յարգանքներն ու նուէրները մատուցանել Աստրծուն, քանի որ անձամբ մերձենալ չեն

կարող նորան. բայց մեր մէջ խնկարկութիւնը երկու նշանակութիւն ունի. մէկը աստուածպաշտութեան և մեր ջերմեռանդ աղօթքի նշան է, ինչպէս ասում է 'Իսաիթ մարգարէն «Ուղիղ եղիցին աղօթք իմ, որպէս խուսկ առաջի քո տէր». և միւսը ժողովրդի օրհնութեան, այսինքն խնկարկելով եկեղեցուն և ժողովրդին, ցանկանում ենք, որ Աստուծոյ օրհնութիւնը իջնի դոցա վերայ և իւրաքանչիւրի աղօթքը խնկան ծխի նման բարձրանայ առ Աստուած:

Խնկարկութիւնը տեղի ունի աստուածպաշտութեան հետեւեալ միջոցներին. Տէր զի բազում-ին, ամեն անգամ ս. Աւետարանը կարդալիս, Օրհնութեան շարականի սկզբին և Հոգեգալստեան շարականին, Փառք 'ի բարձունս երգելիս, Լոյս զուարթի երկրորդ մասը երգելիս, ս. Աստուածին, ս. Պատարագին՝ Սպասը դնելիս, ս. Աստուածին, Վերաբերման և գլխաւոր երգերի ու աղօթքների ժամանակ, Անդաստանի տեառնագրութեան ժամանակ և ամեն անգամ «Կեցո» տալիս:

Ե. *Օրհնել խաչով*. Աւետարանով և սրբոց մասունքներով ծիրոջ օրհնութեան նշան է:

Զ. *Թափօր և անդաստան*, որի միջոցին տեառնագրում են աշխարհիս չորս կողմերը և

այդ կատարուում է տէրունական հանդիսաւոր տօներին, երաշտութեան և մահտարաժամի ժամանակ:

Է. նախատօնակ. որովհետև հայոց տոմարական հաշուով օրը հաշուում է երեկոյից մինչև միւս երեկոյ, ուստի մեր եկեղեցին տէրունական և նշանաւոր սրբերի տօնախմբութեան նախընթաց երեկոյին առանձին տօն է կատարում զգեստաւորուած և եկեղեցական սպասներով, երգելով միւս օրուայ շարականների մի մասը և դա կոչուում է նախատօնակ:

Ը. Հսկումն. Տէրունական մեծ տօների նախընթաց գիշերը կատարուում է միւս օրուայ ժամերգութեան մի մասը որ և կոչուում է հըսկումն, այսինքն արթնութիւն:

Գ. ԱՍՏՈՒԸՆԳԱՇՏՈՒԹԵԱՆ ՏԵՂԸ — ԵԿԵՂԵՑԻ

Աստուածպաշտութեան գլխաւոր տեղը տաճարն է կամ եկեղեցին, որ օրհնուում է և ս. Մեռոնով օծուում եպիսկոպոսի ձեռքով, ուր կատարում են եկեղեցւոյ սուրբ խորհուրդներն ու սրբազործութիւնները, իսկ Աստուածպաշտութեան քանի մի մասերն ու խորհուրդները, ի պահանջել հարկին, կարելի է կատարել նաև եկեղեցուց դուրս:

Եկեղեցին կամ տաճարը նաև հաւատացեալների ժողովն է, որոնք միաւորուած են մի հաւատով և գտնուում են մէկ հոգեւոր հովուապետի հովանաւորութեան ներքոյ:

Քրիստոնէական եկեղեցիները երկու գլխաւոր մասի են բաժանուում-աշխարհագրական և ազգագրական կողմից, Արեւելեան և Արեւմտեան. Արեւելեան կոչուում է այն եկեղեցին, որ հիմնեց Քրիստոս Երուսաղէմի մէջ, որտեղից նորա առաքեալներն ու աշակերտները տարածեցին Հայաստան, Փոքր և Մեծ Ասիա, Յունաստան, Եգիպտոս և բոլոր Արեւելեան կողմերը և որի գլխաւոր ներկայացուցիչներն են Հայ և Յոյն մեծ եկեղեցիները, որոնք ունին միևնոյն Աստուածային գլուխը՝ Քրիստոս, քայց կատարելապէս տարբերուում են միմեան-

ցից ազգով, լեզուով և ծէսերով: Իսկ Արևմտեան եկեղեցին այն է, որ Հռոմի մէջ հիմնուելով հետզհետէ տարածուեցաւ Եւրոպա, Աֆրիկա և յետոյ Ամերիկա, ուստի կոչուում է նաև Հռոմէական, Լատինական կամ Պապական եկեղեցի, որի գլուխն է Հռոմի եպիսկոպոսը կամ պապը:

Ֆաճարի ձեւը:

Հայկական եկեղեցին կամ տաճարը շինուած է լինում երկար ու քառանկիւնի ձեւով, ըստ մեծի մասին խաչաձև. ուղղուած արևմուտքից դէպի արևելք, վասնզի արևելքից ենք սպասում արևի ծագման, այսինքն է Քրիստոսի երկրորդ գալստեան: Եկեղեցու գլխին հաստատուած է վեղարաձև կաթուղիկէն կամ գմբէթը, որի ծայրին ամրացրած է լինում Քրիստոսի սուրբ խաչը, որպէս յաղթութեան դրօշակ ընդդէմ հեթանոսութեան:

Եկեղեցու գլխաւոր մուտքը շինուում է արևմտեան կողմը:

Եկեղեցին օձուելիս միշտ նուիրուում է ՚ի պատիւ որ և է տօնի կամ որ և է սուրբի անուան:

Եկեղեցու մասերը.

Տաճարը բաժանուում է երեք մասը.

ա. Գաւիթ բ. Իսկական տաճար կամ

ատեան և գ. ընմ կամ ամբիոն.

ա. Գաւիթ. սա մի առանձին շինութիւն է բուն եկեղեցու արևմտեան պատին կից, որ հին ժամանակներում մեր բոլոր եկեղեցիքն ունէին տաճարից որոշ. պատարագի ժամանակ, երբ սարկաւազը երգում էր «մի ոք յերախայից» երգը՝ ներելի մեղքի տէր ապաշխարողները եկեղեցուց դուրս գալով այդտեղ էին աղօթում:

Միւս երկու մասերը բուն եկեղեցու մէջն են, այն է՝ բ. Ատեան, կանանց և տղամարդկանց բաժանմունքներով և գ. դաս.

Ատենի ետևի մասը յատկացրած է կանանց և բաժանուած է պատնէշով. սա երբեմն երկյարկ է լինում, որի վերին յարկը կոչուում է վերնատուն:

Իսկ ատենի առջևի մասը-դասը, որ կից է բեմին և սովորաբար եկեղեցու յատակից մի քանի մատ բարձր է և աջ և ձախ կողմերից վանդակապատ, յատկացրած է բացառապէս աստուածապաշտութեան համար. այնտեղ կանգնում են հոգևորականներն ու կատարում ժամերգութիւնը՝ դասէդաս, իսկ հանգիսաւոր տօներին և նախատօնակներին ու անդաստանի ժամանակ՝ մէջ տեղը:

Դասերից սեղանի աջ կողմինը կոչուում է

աջակողմեան կամ վերին դաս, ուր դրուած է լինում Հայրապետի կամ առաջնորդի զահր և ուր կանգնում է միշտ աւագ կամ աւագագոյն քահանան: Իսկ միւս դասը կոչուում է *ճախակողմեան դաս*:

Եկեղեցու այդ մասնում՝ աջակողմեան դասի հիւսիսային որմի մէջ է լինում գետեղուած և մկրտութեան քարեայ *աւազանը* հաւատացեալներին մկրտելու համար, որը օրհնում է և ս. Մեռոնով օծում եպիսկոպոսը:

Եկեղեցին լինելով ամեն հաւատացեալների մայրը՝ աւագանը օրինակ է արգանդի, որ ծնում է մարդիկ զէպի յաւիտենական կեանքը:

Բնմ կամ *ամբիոն*. դասի առջևից, տաճարի արևելեան կողմը եօթն աստիճաններով բարձրացած է լինում, որի վերայ կատարուում են սուրբ պատարագի արարողութիւնները, սրբազնագործ հոգևորականների ձեռնադրութիւնը, իւղաբերից Աւետարանի ընթերցումը և քարոզութիւնները: Այնտեղ իրաւունք ունին բարձրանալ միայն աստիճան ունեցող հոգևորականները:

Սեղան. բեմի վերայ զէպի արևելք վէմ քարի վերայ ամրացրած է սեղանը, որին մերձ ենուում են միայն սրբազնագործ պաշտօ-

նեաներն ու որի վերայ մատուցուում է ս. պատարագը: Սեղանը պէտք է լինի անշուշտ քարէղէն և հաստատուն և պիտի օծուած լինի ս. Մեռոնով:

Սեղանը Գողգոթա լերան խորհուրդն ունի, ուր խաչուեցաւ Քրիստոս, և այն այրի, որի մէջ թաղուեցաւ նա:

Սեղանի վերայ գրուում է խաչը, ս. Աւետարանը, տէրունական պատկեր, մասնատուփ և ս. Մեռոնը:

Բեմի վերայ շինուած է *վարագոյրը*, որով ծածկում են սեղանը ս. պատարագի սպասը դնելիս, Տէր ողորմեա—ին, երեք տիեզերական ժողովների տօներին «Ով հրաշալի» շարականը երգելիս, Գոնաբացէքի կարգը կատարելիս եթէ եկեղեցին գաւիթ չունի, քառասնօրեայ պահեցողութեան օրերին, ճրագալուցի երեկոներին և աւագ հինգշաբթի, ապաշխարողների կարգը կատարելիս մինչև ս. պատարագի սկիզբը:

Սեղանի ուղղութեամբ տարածուում է *խաչկալը*, որ փայտեայ ոսկեգօծ շինուած է, գլխին խաչ ամրացրած, որից և ստացել է իւր անունը: Սեղանի աջ և ձախ կողմերից խաչկալի տակը խորանների երկու դռներն են, որոնց վերայ Հայոց եկեղեցիներում նկարուած

են լինում Հայաստանի նախկին լուսաւորիչ-ների՝ ս. Թադէոս և Բարդուղիմէոս առաքեալ-ների պատկերները և որտեղից վերաբերում են պատարագի ժամանակ ս. Աւետարանը կամ պատարագի ընծաները:

Ընծայարան կամ խորհրդանոց: Սեղանի ներսի կողմը հիւսիսային պատի մէջ հանուած է մի խորշ, ուր պատրաստուում են ս. խորհրդի ընծաները կամ սպասը, այսինքն հացն ու գինին և այնտեղից վերաբերում է ս. պատարագի ժամանակ: Ընծայարանը յիշեցնում է մեզ հին ուխտի առաջաւորութեան սեղանը և այն այրը, ուր ծնաւ Քրիստոս:

Մարկաւազատուն, սրբատուն կամ աւանդատուն — խորան. Եկեղեցուն կից կամ առանձին մի շինութիւն է, իսկ երբեմն և եկեղեցու տակը ներքնայարկ է, ուր պահուում են եկեղեցու սրբազան անօթներն ու զգեստները և ուր զգեստաւորում են եկեղեցու բոլոր պաշտօնեաները աստուածաշտուութեան կարգը կատարելու համար: Իսկ այժմ դորան փոխարինում են երկու խորանները, որոնք շինուած են լինում բեմի աջ և ձախ կողմերը դասերի հանդէպ:

Եկեղեցու հիմնարկէքը եւ օծումը:

Եկեղեցու թէ հիմքը և թէ նոյն իսկ

եկեղեցին օծում է եպիսկոպոսը մեծ հանդէսով, համաձայն կարգաւորութեան Մայր Մաշտոցի Հայաստանեայց եկեղեցուց:

Հիմնարկէք. — նախ եպիսկոպոսը վերցնում է ճարտարապետական լարը և գծում է գետնի վերայ շինութեան ձևը, այնուհետև առնում է բրիչը և մի երես փորում է սահմանած տեղը, որ ապա շարունակում է փորել ժողովուրդը: Հիմնարկէքի այս ձևը առնուած է ս. Գրիգոր Լուսաւորչից, որ ինքն իւր ձեռով գծեց Եջմիածնայ Մայր տաճարի և Հռիփսիմեան ու Գայիանեան ս. կոյսերի վկայարանների տեղը:

Յետոյ եպիսկոպոսը և բոլոր հոգևորականները զգեստաւորուելով ժողովրդի ներկայութեամբ ձգում է հիմքը, օծելով 16 քար, որոնցից տասներեքը առաքեալների, երկուսը Մարկոս և Ղուկաս աւետարանիչների և մէկը ս. Լուսաւորչի անունով և դնում է հիմքի մէջ իւրաքանչիւրի համար յատկացրած տեղը:

Նաւակատիք օծման: Հին ուխտի ժամանակ, երբ Սողոմօն թագաւորն աւարտեց Երուսաղէմի տաճարի շինութիւնը՝ նաւակատիք արեց ողջակէզներով, այսինքն եկեղեցու շինութեան տօն կատարեց, այսպէս էլ մեր եկեղեցու օծման նախընթաց երեկոյին եպիսկոպոսը, մեռոնա-

կիր քահանան և հոգևորականք զգեստաւորուած, ժողովրդի բազմութեան հետ ս. Մեռոնը եկեղեցական հանդիսով տանում են նոր շինուած եկեղեցին, ուր կատարում է նախատօնակ այն տօնի շարականների երգասացութեամբ, որի անուան նուիրում է եկեղեցին, ասում է երեկոյեան ժամերգութիւնը, յետոյ լինում է հսկումն, կատարելով գիշերային և առաւօտեան ժամերգութիւնն ամբողջապէս:

Օծումն. միւս առաւօտ եպիսկոպոսը և բոլոր հոգևորական դասը ժողովրդի հետ ժողովուելով եկեղեցու արևմտեան դռան մօտ, որ փակուած է լինում այդ միջոցին, կատարում են դռնաբացէքի կարգը, որից յետոյ մտնելով եկեղեցին, քարեայ սեղանն ու եօթն գոգնոցները ձեռներին կատարում են սահմանած կարգը եկեղեցու մէջ տեղը, դէպի հարաւ, դէպի հիւսիս, բեմի վերայ և եպիսկոպոսը սեղանը հաստատում է սիւնի վերայ:

Այնուհետև սարկաւազները ջրով ու դինով լուանում են սեղանը ՚ի խորհուրդ Քրիստոսի կողքից բղխած արեան և ջրի, որով սրբեց եկեղեցին — հաւատացեալներին ամեն տեսակ անմաքրութիւնից և եպիսկոպոսը օծում է մէջ տեղի խաչը, որ կոչւում է *գաւ-*

աւթ, յետոյ օծում է սեղանի միւս խաչերը, խորհրդարանի, բեմի ճակատի, աւազանի, եկեղեցու անկիւնների, սիւների, կամարների, դռան ճակատների վերայ փորագրած խաչերը և վերջը թափօր են կատարում շուրջը: Այնուհետև ծածկում է ս. սեղանը եօթն գոգնոցներով, դնում է նորա վերայ հինգ վառած աշտանակ և բազմեցնում է ս. Աւետարան, խաչ ու անմիջապէս ս. պատարագ է մատուցանում ինքը եպիսկոպոսը:

Օծումից յետոյ ութն օր շարունակ նաւակատիք են կատարում նոյն եկեղեցում, պատարագ մատուցանելով և կատարելով ս. Խաչի վերացման կարգը, իսկ իններորդ օրը եկեղեցու տօնը, որի անունով օծուել էր:

Դ. ԱՍՏՈՒԱԾՊԱՇՏՈՒԹԵԱՆ ՊԱՇՏՕՆԵԱՆԵՐԸ—
ՆՈՒՒՐԱՊԵՏՈՈԹԻՒՆ ԵԿԵՂԵՑՒՈՅ

Եկեղեցու պաշտօնեաների զանազան աս-
աիճանների դասակարգութիւնը կոչուում է
նուիրական պետութիւն կամ նուիրապետու-
թիւն:

Եկեղեցու նուիրապետութիւնը հաստա-
տուեցաւ Քրիստոսից, երբ որ երկնքի արքա-
յութեան սերմերը ժողովրդի մէջ ցանելու
համար ընտրեց իւր համար տասներկու հոգի
իբրև իւր մշտնջենաւոր հետևողներ, որոնք
աւետարանը քարոզեցին և եկեղեցի հաստա-
տելով սկսեցին կառավարել նորընծայ հաւա-
տացեալներին և նոցա պէտքերը լրացնել: Նո-
քա էին կոտարում ամեն պարտականութիւն
Աստուածաշտութեան ժամանակ, բայց երբ
հաւատացեալների թիւը մեծացաւ և առա-
քեալներն այլ ևս չէին հասնում ամենին, նո-
քա եկեղեցու կառավարութիւնը, այսինքն հա-
ւատացեալներին ծառայելու գործը յանձնեցին
առանձին ընտրուած անձերի, ձեռնադրելով
եպիսկոպոսներ. այսպէս էլ Հայաստանի նախ-
կին լուսաւորիչներ ս. Թադէոս և Բարդուղի-
մէոս առաքեալները հայ եկեղեցու կառավա-
րութեան գործը յանձնեցին իրանց ձեռնադ-

րած եպիսկոպոսներին ու քահանաներին:

Եւ այսպիսով մեր եկեղեցական նուիրա-
պետութիւնը հետևեալ աստիճաններն ու բա-
ժանումն ունեցաւ.

- ա. Ընդհանրական հայրապետ.
- բ. Արքեպիսկոպոսներ.
- գ. Եպիսկոպոսներ և քորեպիսկոպոսներ.
- դ. Վարդապետ, ծայրագոյն վարդապետ.
- ե. Քահանայ.
- զ. Սարկաւագ.
- է. Կիսասարկաւագ.
- ը. Ջահընկալ.
- թ. Երգմնեցուցիչ.
- ժ. Իպիր.
- ժա. Իռնապան:

Հայրապետ կամ եպիսկոպոսապետ կամ կաթու-
ղիկոս:

Հայրապետը մեր ազգի ծայրագոյն ան-
կախ պետն է և Հայաստանեայց եկեղեցու
ընդհանրական պատրիարքը և դէտը, որի գե-
րիշխանութեան ստորադրում են բոլոր հայ
հոգևորականութիւնն և հոգևոր գործերը, որ-
նա է կառավարում եկեղեցին, ձեռնադրում
եպիսկոպոսներ, ս. էջմիածնի միաբանութեան
և իւր այրապետական իշխանութեան ներքոյ
եղած թեմերի համար, նա օրհնում է ս. ե-

ուոնը, տալիս է կանոնական թղթեր առաքելական և հայրապետական կանոնների համաձայն, նշանակում է սուաջնորդներ վիճակների համար և վարում ազգի կրօնական կրթութեան հոգսը:

Հայոց ազգի կաթողիկոսը ընտրուում է ամբողջ ազգի կողմից, դորա համար յատկացրած կարգերի համեմատ համազգային ժողովով և օժուում է ս. Էջմիածնում, տասներկու եպիսկոպոսների ձեռքով, որոնք ս. Մեռնով օժուում են նորա գաղաթը և ձգում են վերան Հայրապետական քօղը, որ ս. Գրիգոր Լուսաւորչից սկսած գործ է դրուում իբրև նշան հայրապետութեան այն խորհրդով, որ ինչպէս իսրայէլեան ազգի ծայրագոյն առաջնորդ Մովսէս մարգարէի երեսը Աստուծոյ հետ խօսելիս լուսաւորուեց և ոչ ոք չէր կարողանում նայել նորա երեսին, այնպէս էլ մեր եկեղեցու ծայրագոյն պետը աստուածային պատգամները տալիս է ազգին:

Մեր ազգում երկու մասնաւոր կաթողիկոսներ էլ կան՝ Սսի և Աղթամարի, որոնք ենթադրուում են Մայր Աթոռ ս. Էջմիածնի ընդհանրական կաթողիկոսին. կան նաև նրկու պատրիարքներ՝ Երուսաղէմի և Կ. Պօլսի, որոնք միայն արքեպիսկոպոսներ են և նոցա

իշխանութիւնը աւելի չէ քան եպիսկոպոսին

Ս. Էջմիածնի Հայոց կաթողիկոսը կոչուում է եպիսկոպոսապետ, հայրապետ, ծայրագոյն պատրիարք, կաթողիկոս ամենայն Հայոց և անկախ է Հռոմէական և Յոյն աթոռներից:

Արքեպիսկոպոս, եպիսկոպոս և քորեպիսկոպոս:

Եպիսկոպոս բառը յունարէն է և նշանակում է տեսուչ. եպիսկոպոսի պաշտօնն է՝ վիճակի առաջնորդ լինել, քահանայ և եկեղեցական ստորին պաշտօնեաներ ձեռնադրել, եկեղեցի և պատկեր օծել, հոգալ իւր թեմի ժողովրդի կրօնական և բարոյական պէտքերը և նոցա կրօնական դաստիարակութեան մասին և առհասարակ կառավարել իւր հօտը, հրահելով, որ անսխալ և անաղարտ պահպանուին նախնի սուրբ հայրերի տուած պատուէրները, որոնք պարունակուում են հայոց եկեղեցու կանոնադրքի մէջ:

Եպիսկոպոսացուն ընտրուում է մի որևէ թեմի ժողովրդի և հոգևորականների հաւանութեամբ և առաջարկուում է կաթողիկոսին ձեռնադրութեան համար, իբրև հովիւ և վերադիտող իրանց թեմի: Լիսկ կաթողիկոսն ընտրեալին ձեռնադրում է ս. Էջմիածնի Մայր Տաճարում առանձին հանդիսով, տալով նորա ձեռքը հովուական դաւազան և զնելով ձկոյ-

թին եպիսկոպոսական մատանի, ի նշան հովուական իշխանութեան:

Եպիսկոպոս ձեռնադրելու իրաւասութիւնը պատկանում է ս. Էջմիածնի ընդհանրական կաթողիկոսին, բայց ձեռնադրում են նաև Սսի ու Աղթամարի մասնաւոր կաթողիկոսները, միայն իրենց վիճակի համար:

Արքեպիսկոպոս կամ եպիսկոպոսը նոյնն է աստիճանով, ինչ որ եպիսկոպոսը, միայն առաջինը աւագութեան տիտղոսն է, իսկ վերջինը վարչական կոչումն է, որովհետև քորեպիսկոպոսները լինում են թեմի մի մասի կառավարիչներ և ենթարկւում են եպիսկոպոսի իշխանութեանն ըստ վարչականին:

Վարդապետ, Ծայրագոյն վարդապետ.

Ձեռնադրութեամբ վարդապետը նոյնն է, ինչ որ քահանան, բայց իշխանութեամբ բարձր է նորանից: Վարդապետը որոշւում է քահանայից նորանով, որ գլխին վեղար է ծածկում, իբրև կրօնաւորութեան և կուսական կեանքի նշան: Վարդապետը մեր եկեղեցու մէջ կոչւում է օրէնքի և հաւատի ուսուցիչ և Աստուծոյ բանի քարոզիչ. իսկ ծայրագոյն վարդապետ կոչւում են այն վարդապետները, որոնք ստացել են վարդապետական ծայրագոյն աստիճան կամ իշխանութիւն Աստուծոյ խօս-

քը քարոզելու. ծայրագոյն վարդապետին տրուում է օձադուխ գաւազան Սովսիսի գաւազանի օրինակով, որ օձ դարձաւ:

Քահանայ, երէց.

Քահանայ բառը սաղգէարէն *քօհէն* բառից է առաջ եկել, իսկ *երէց* բառը յունարէն է, երկուսն էլ նշանակում են եկեղեցու պաշտօնեայ, որ ձեռնադրուելով և ս. Մեռնով օծուելով եպիսկոպոսից ընդունում է ս. Հոգւոյ շնորհը, որով դառնում է ժողովրդի հովիւ և եկեղեցու ս. խորհուրդները կատարող:

Քահանայի կարգը եկեղեցու խորհուրդ է որ կատարւում է եկեղեցում ս. պատարագի ժամանակ սեղանի առջև բեմի վերայ և ունի եօթն աստիճան.

- Ա. Գնապանութիւն,
- Բ. Դպրութիւն,
- Գ. Երզմնեցուցչութիւն,
- Դ. Ջահնկալութիւն,
- Ե. Կիօսասարկաւագութիւն,
- Զ. Սարկաւագութիւն և
- Է. Քահանայութիւն:

Մեր եկեղեցական կանոններով, երբ մէկը ցանկանում է քահանայ ձեռնադրուիլ, ձեռնադրող եպիսկոպոսի պարտքն է մեծ զգուշութեամբ քննել թէ նուիրեալը մաքուր ամուս-

նութիւնից է ծնուած, մարմնական արատ չունի, ունի բաւական գիտութիւն կրօնական ուսմանց, վարք և բարքը համապատասխան են հոգևոր կոչման և ունի վերջապէս հովուական հոգի և ներքին ձգտումն հոգևորական լինելու:

Եւ երբ նուիրեալը ըստ ամենայնի արժանաւոր է նկատուծ, այն ժամանակ եպիսկոպոսը հանգիստաւոր կերպով ձեռնադրում է նորան և օծում ս. Մեռոնով Մայր Մաշտոցում սահմանուած կարգով, որից յետոյ տալիս է նորընծայ քահանայի ձեռքը սկիհը և մաղղման Քրիստոսի կենարար Մարմնով և Արիւնով և այգպիսով տալիս է նորան իշխանութիւն ս. պատարագ մատուցանելու կենդանիների և ննջեցեալների համար:

Նորընծայ քահանան ձեռնադրութիւնից յետոյ քառասուն օր առանձնանում է եկեղեցու սենեակում, ուր մաքուր պահեցողութեամբ վարժուծ է քահանայական գիտելիքների մէջ, ի յիշատակ Յիսուսի՝ մկրտութիւնից յետ անապատը քաշուելուն, ուր քառասուն օր ծոմ պահեց և աղօթքի անձնատուր լինելով՝ յաղթեց փորձողին և այնուհետև սկսաւ իւր առաքելութեան գործը կատարել. այսպէս էլ նորընծայ քահանան ս. Մեռոնի օծմամբ ստանա-

լով սուրբ հոգու շնորհքը՝ քառասուն օր փակուծ է եկեղեցու սենեակում, ինչպէս անապատում և աղօթքով ու պահեցողութեամբ սովորում է յաղթել աշխարհիս փորձութիւններին և ապա մտնում է իւր առաքելական պաշտօնի մէջ:

Սարկաւագ.

Սարկաւագը եկեղեցու պաշտօնեայ է, որի պաշտօնն է սպասաւորել ս. պատարագին, այն է վերաբերել Աւետարանը, Աւետարան կարգալ, հաւատոյ հանգանակն ասել և ս. Խորհուրդը ընծայարանից վերաբերելով պատարագիչ քահանային մատուցանել: Նաև հին ժամանակ եպիսկոպոսների սպասաւորելն էր իբրև փոխանորդ նորան, ինչպէս օրինակ չորրորդ դարում Խազ սարկաւագը Ներսէս Մեծի կառուցած բազմաթիւ բարեգործական հաստատութիւնների վերատեսչի պաշտօն էր վարում նորա փոխարէն:

Սարկաւագ ձեռնադրում է եպիսկոպոսը ս. պատարագի ժամանակ, ձգելով նորա ձախուսին ուրար, որով որոշուծ է նա եկեղեցու այլ պաշտօնեաներից: Ուրարը նշան է Քրիստոսի լուծը կիսով չափ բառնալուն:

Կիսասարկաւագ.

Կիսասարկաւագը սարկաւագի օգնականն

է և նորա պաշտօնն է զգեստաւորել պատարազիչ քահանային, դատարկ սկիհը խորհրդանոցը տանել և ս. պատարազին սպասաւորել:

Կիսասարկաւագ ձեռնադրում է եպիսկոպոսը, որ հագցնելով նորան հոգևորական սքեմը՝ ձգում է նորա ձախ ձեռքին բազկուրար կամ երկծալ ուրարը, որ նշան է թէ նա անգոր է տակաւին Քրիստոսի լուծը ամբողջովին բառնալու, այլ միայն նորա մի մասը տալիս է ձեռքին դատարկ սկիհն ու մաղզմայն և պատարազի զգեստն ու խորհրդատետրը:

Չահրնկալ.

Ջահրնկալը եկեղեցու պաշտօնեայ է, իսկ ջահրնկալութիւնը քահանայութեան չորրորդ աստիճանն է, նորա պարտականութիւնն է վառել եկեղեցու ջահերը, ս. պատարազի համար նշխար թխել և բաժակը պատրաստել:

Ջահրնկալութեան աստիճանը տալիս է եպիսկոպոսը, հագցնելով նուիրեալին դպրական շապիկ և տալով նորա ձեռքին վառ աշտանակ ու դատարկ բաժակամանը:

Ջահրնկալները սովորաբար կոչուում են դպիր:

Երդմնեցուցիչ.

Երդմնեցուցիչը եկեղեցու պաշտօնեայ է, որի պաշտօնն էր հնումը ձեռքը դնել հի-

ւանդների վերայ և երդմնեցնելով դեերը հալածել մարդկանցից: Այժմ այս աստիճանը առանձին չէ տրոււմ, այլ միայն ջահրնկալութեան հետ:

Երդմնեցուցչութեան աստիճանը տալիս է եպիսկոպոսը, տալով նուիրեալի ձեռքը մաշտոց գիրքը, որի մէջ, ի միջի այլոց, գրուած են և սատանայից հրաժարման երդմունքը մկրտութեան ժամանակ:

Պպիր կամ ընթերցող.

Դպիրը եկեղեցու պաշտօնեայ է, որի պաշտօնն է կարդալ եկեղեցում մարգարէների և առաքեալների թղթերը:

Դպրութեան աստիճանը տալիս է եպիսկոպոսը, նոյնպէս ջահրնկալութեան հետ, տալով նուիրեալի ձեռքը ճաշոց գիրքը:

Պննապան.

Պննապանը եկեղեցու պաշտօնեայ է, որի պաշտօնն է եկեղեցու դուռը բանալ և փակել, եպիսկոպոսը այս աստիճանը տալիս՝ նուիրեալի ձեռքը դնում է եկեղեցու բանալին և տալիս է նորան իշխանութիւն եկեղեցին բանալու և փակելու, որ աղանդաւորներին, բանադրուածներին ու չըմկրտուածներին չթողնէ եկեղեցի մտնելու:

Ե. ԱՍՏՈՒԱԾՊԱՀՏՈՒԹԵԱՆ ՍՈՒՐԲ ՍՊԱՍՆԵՐԻՆ
ՈՒ ԱՆՕԹՆԵՐԸ:

Աստուածպաշտութեան կարգը կատարելու ժամանակ գործ են դնում հետեւեալ անհրաժեշտ սրբազան անօթները.

ա. Սկիհ եւ մաղզմայ:

Սկիհը արծաթեայ կամ ոսկեայ սրբազան բաժակ է, որի մէջ սպասի գինին և հացը պատարագի միջոցով սրբագործւում է և դառնում ընդ տեսակաւ հացի և գինւոյ ճշմարիտ մարմին և արիւն Գրիստոսի:

Սկիհը նշանակում է Յիսուսի չարչարանքի բաժակը և դարձեալ այն բաժակը, որից Յիսուս խորհրդական ընթրիքի ժամանակ հաղորդեց առաքեալներին վերնատանը: Իսկ մաղզմայն նոյնպէս արծաթեայ կամ ոսկե բոլորակ ափսէ է կամ սկհու ծածկոց, որի վերայ դրւում է սպասի նշխարը: Մաղզմայն նշանակում է Փրկչի ծննդեան մսուրը և գերեզմանը, որի մէջ թաղուեցաւ նորա սուրբ մարմինը:

բ. Մասնատուփ:

Արծաթեայ կամ ոսկու փոքրիկ տուփ է, որի մէջ պահւում է ս. խորհրդի սրբագործուած մասը հիւանդներին և բանտարկեալներին ճաշակելու համար:

գ. Բաժակաման:

Արծաթեայ մի անօթ է, որի մէջ պատարաստւում է սուրբ խորհրդի գինին, որտեղից ածւում է սկհու մէջ ս. պատարագից առաջ:

դ. Խնկանոց կամ բուրվառ:

Հին ժամանակ խունկ ծխելու համար գործ էր ածւում *խնկանոցը*, որ մի փոքր կրակարանի ձև ունէր առանց շղթաների, վրայից ծածկած մի ծակօտկէն խուփ. խնկարկողը ներքեից բռնած ման էր ածում սեղանի ու պատկերների առաջ և խնկի ծուխը ինքն իրան ծխւում էր ամեն տեղ: Խնկանոց այժմ այլ ևս չէ գործ ածւում: Բայց կար և *ըուրվառ* ասուած գործիքը, որ նոյնպէս խունկ ծխելու աման է շղթաներից կախած և մանր բոժոժներով զարդարած, որով նոյնպէս խնկարկում էին Տէրունական և սրբերի պատկերների առաջ և ժողովրդին: Այժմ գործ է ածւում բուրվառը այդ միևնոյն ձևով:

Բուրվառը, ինչպէս լայտնի է, գործ էր ածւում և հին ուխտի ժամանակ, որ և վերցրած է այնտեղից:

ե. Ցապանակ կամ խնկաման:

Մի արծաթեայ արկղ է վերեւից չորս փոքրիկ խաչերով և մի մոմակալով զարդարած

և գործ է ածուում մէջը խունկ և կնդրուկ պահելու համար: Տապանակի գործածութիւնը նոյնպէս հին ուխտի եկեղեցուց է վերցրած:

գ. խաչվառ կամ վառ:

Խաչվառը խաչագլուխ ձողաբարձ դրօշակ է, որի վերայ նկարուած է լինում խաչելութեան և Աստուածածնի պատկերներ, որ եկեղեցական հանդէսների ժամանակ, օրինակ՝ անդաստանի, թափօրի, յուղարկաւորութեան և այլն տանում են առջևից:

Խաչվառի գործածութիւնը եկեղեցում վերցրած է հետեւեալ դէպքից. — երբ որ մեծ Կոստանդինոս կայսրը փոքր զօրքով գնում էր թշնամեաց դէմ պատերազմ՝ կէսօրի ժամանակ օդի մէջ յանկարծ մի լուսեղէն խաչ տեսաւ, որի վերայ գրած էր «սորանով կը յաղթես» և Յիսուս տեսիլքի մէջ երևելով Կայսեր հրամայեց ս. խաչի նշանը նկարել տալ բոլոր դրօշակների ու վահանների վերայ. կայսրն անմիջապէս կատարեց այդ և յաղթեց թշնամուն, կռապաշտութիւնը ոչնչացաւ և ամեն տեղ փայլեց Քրիստոսի սուրբ խաչը: Քրիստոնեայ եկեղեցիները, 'ի թիւս որոց և մեր եկեղեցին, դորա յիշատակի համար սկըսաւ խաչվառի գործածութիւնը հանդէսների ժամանակ:

ե. Քշոց:

Քշոցը արծաթեայ բոլորակաձև ճօճանակ է եզրներին բոժոժներով զարդարած, իսկ երկու կողմերը քանդակած կամ նկարուած են վեցթևեան սերովբէներէ պատկերներ և հագցրած է լինում երկայն ձողերի վերայ, որոնցից բռնելով սարկաւագները շարժում են պատարագի ժամանակ սուրբ խորհրդի վերայ 'ի նշան հրեշտակների հովանաւորութեան, սերովբէների սաւառնելու և Սուրբ Հոգու իջման պատարագի նուէրների վերայ:

Քշոցները գործ են ածուում ս. պատարագի հետեւեալ միջոցներին. — Սուրբ Աստուածին, ս. խորհրդի վերաբերման, «Քրիստոս 'ի մէջ մեր յայտնեցաւ» ասելիս, Սուրբ Սուրբին, «Հոգի Աստուծոյ», «Հայր մեր» և «միայն սուրբ» ասելիս. բայց գործ են դնում նաև եկեղեցական ուրիշ հանդէսների ժամանակ. օրինակ՝ սրբալոյս միւսօնը և սրբոց մասունքները վերաբերելիս, թափօրին, Խաչվերացի երկային, «Այսօր դասք հրեշտակաց»-ի երկրորդ մասը երգելիս և այլն:

զ. խաչ:

Խաչը նիւթական ձևը կամ պատկերն է կենարար սուրբ խաչափայտի, որի վերայ մեր

տէր Յիսուսը խաչուեցաւ մարդկային ազգի փրկութեան համար:

Հայկական խաչը պարզ քառաթև ձև ունի, որպիսի էր և Քրիստոսի խաչափայտը: Խաչի նշանակութիւնը խիստ մեծ է քրիստոնէական եկեղեցու համար. նա աստուածաշատութեան ժամանակ գործ է ածուում նախ իբրև երկրպագելի պատկեր կամ նիւթ և լիջեցնում է մեզ Քրիստոսի փրկարար տնօրինութիւնը: Երկրորդ՝ նորանով ենք տեսանագրում և օրհնում եկեղեցու բոլոր խորհուրդները և արարողութիւնները կատարելիս: Երրորդ՝ վերամբարձ տանում ենք եկեղեցական բոլոր նշանաւոր հանդէսների և թափօրների ժամանակ և վերջապէս խաչը ինչպէս պատուական և և գերագոյն նշան հաւատի, շքոյ և պատուի գործ են դնում եկեղեցիների գրմբէթների և թագերի գլխին և ամեն հաւատացեալ սիրով կախում է իւր կրծքին իբրև ապաւէն ընդդէմ թշնամւոյն: Խաչը, իբրև երկրպագելի նշան, առաքելական սահմանադրութեամբ օրհնուում է և օծուում սուրբ միւռոնով:

Թ. Միւռոնաշիշ:

Արծաթեայ կամ ոսկէ անօթ է, որ երբեմն աղաւնու նմանութեամբ է շինուում 'ի

նշան ս. Հոգու աղաւնակերպ իջնելուն և նորա մէջ է պահուում եկեղեցում ս. միւռոնը:

ժ. Կոնք, դոյլ եւ դենջակ կամ թաշկինակ:

Պատարագիչ քահանայի ձեռները լուանալու համար եկեղեցում գործ է դրուում կոնք և դոյլ, իսկ ձեռները մաքրելու համար դենջակ կամ թաշկինակ 'ի նշան մաքրութեան ամեն տեսակ աղտեղութիւնից:

Բացի դոցանից աստուածաշատութեան ժամանակ գործ են դնում և հետեւեալ օժանդակ սպասները.

ժա. պատկեր:

Եկեղեցին պատկերներ գործածելու սովորութիւնը մտցրել է հին ժամանակից սկսած, ցանկալով նորադարձ հաւատացեալների սրտերում տպաւորել նոցա առաքինի գործերը: Հայաստանեայց եկեղեցին ևս ընդունում է պատկերներ գործ ածելու սովորութիւնը և մատուցանում է նոցա պատշաճաւոր յարգանք: Փրկչական, Աստուածամօր և ուրիշ սրբերի պատկերների գործածութիւնը տեղի ունի առաջին դարերից սկսած, բայց ընդհանրացած է մանաւանդ չորրորդ դարից յետոյ:

Մեր եկեղեցին պատկերների վերաբերութեամբ հետեւեալ կարգը ունի սահմանած.

ա. Եկեղեցում դրուելիք պատկերները պէտքէ անշուշտ նկարած լինին իւղաներկ կտաւի վերայ:

բ. Թղթէ և ձուլածոյ պատկերների գործածութիւնը միանգամայն մերժում է մեր եկեղեցին:

գ. Պատկերը պէտք է վայելուչ նկարուած լինի, որ յարգանք ազդէ քրիստոնէին և ոչ թէ իւր այլանդակութեամբ ծաղր յարուցանէ նորա մէջ:

դ. Սուրբերի պատկերների վերայ պէտք է անշուշտ սուրբ երրորդութեան մի նշան լինի:

ե. Պէտքէ օժուած լինի ս. միւռոնով եպիսկոպոսի օրհնութեամբ, ըստ մայր մաշտոցի Հայաստանեայց եկեղեցւոյ, որպէսզի Սուրբ Հոգին տայ նոցա իրանց նախատիպների շնորհը:

զ. Եկեղեցիներում կարելի է դնել յարգելու բացի Տէրունական և Տիրամօր պատկերներից նաև այն բոլոր ազգային և օտար սուրբերի պատկերները, որոնք տօնուում են մեր եկեղեցում, բայց գերադասելի են մանաւանդ ազգային սրբերի պատկերները:

ժք. գրակալ:

Գրակալը փայտեայ ծալածոյ մի գործիք

է, որի վերայ դնում ենք եկեղեցական սուրբ գրքերը աստուածաշտուութեան ժամանակ գործածելու համար:

ժգ. Աշտանակ, կերոն, մոմ, ջահ:

Մոմերի գործադրութիւնը ընդունուած էր հին ուխտի աստուածաշտուութեան ժամանակ թէ վկայութեան խորանում և թէ Սողոմօնի տաճարում ինչպէս լուսաւորութեան նրպատակով, նոյնպէս և հանդիսին շուք և պայծառութիւն տալու համար:

Մեր եկեղեցին ևս ընդունած է մոմերի գործածութիւնը, բայց առաջին դարերում քրիստոնէաների հալածանքների ժամանակ մութ այրերը և գետնադամբանները լուսաւորելու համար, ուր առ ահի կատարուած էր աստուածաշտութիւնը, իսկ ապա այդ սովորութիւնը մնաց, որովհետև աստուածաշտութեան կարգը առաւօտ և երեկոյ մութ ժամանակ կատարելու համար՝ լուսաւորութեան պէտք կար և միևնոյն ժամանակ եկեղեցական հանդէսներին շքեղութիւն և վեհութիւն տալու նպատակով: Միւս կողմից վառած մոմեղէնը նշան է մեր վառ և բորբոք սիրոյն դէպի Աստուած:

Մեր եկեղեցում գործ է դրուած մաքուր մեղրամոմ: Մոմ վառելը սովորական է ամեն

ժամանակի համար, բայց մանաւանդ անհրաժեշտ է համարուում վառել ս. Աւետարանը կարդալիս և եկեղեցական հանդէսների ժամանակ:

Ձ. ԱՍՏՈՒԱԾՊԱՀՏՈՒԹԵԱՆ ԺԱՄԱՆԱԿ ԳՈՐԾԱԾՈՒՈՂ ԶԳԵՍՏՆԵՐՆ ՈՒ ԶԱՐԴԵՐԸ:

Առաքեալները իւրեանց քարոզութեան ժամանակ և եկեղեցու խորհուրդները կատարելիս տարբեր հանդերձ էին հագնում ժողովրդից որոշուելու համար, որտեղից սովորութիւն եղաւ, որ հոգևորականները աստուածպաշտութեան ժամանակ սկսեցին գործածել առանձին տեսակ զգեստներ: Այդ զգեստների գործածութիւնը ընդունեց և Հայոց եկեղեցին, որ սահմանեց ամենակերպ պայծառ զգեստներ գործածել եկեղեցում Տիրոջ սպասաւորութիւնը առաւել փառաւոր և շքեղ կացուցանելու համար:

Մեր եկեղեցական զգեստների ձևը գլխաւորապէս վերցրած է Կեսարիայի և Երուսաղէմի եկեղեցիներից, բայց տուած է նոցա առաւել ազգային ձև. այդ զգեստները մինչև հինգերորդ դար ենթարկուեցան մասնաւոր փոփոխութեան ձևի և նիւթի կողմից, իսկ այնուհետև, այն է ս. Մեսրոպոս և Սահակ թարգմանիչներից յետոյ մնաց անփոփոխ մինչև մեր օրերը:

Ս. Էջմիածնայ հնութեանց թանգարանում պահուած բազմաթիւ թանկագին զգեստ-

ները, ինչպէս նաև մեր այլ նշանաւոր վանքերում եղածները վկայում են, որ հարիւրաւոր տարիներով առաջ մեր եկեղեցական զգեստներն ու սպասները նոյն ձևն ունէին, ինչ որ այժմս:

ա, Ընդհանուր զգեստներ.

Բոլոր սրբազնագործ հոգևորականներին՝ այն է կաթողիկոսի, եպիսկոպոսի, վարդապետի, քահանայի և սարկաւազի սովորական հանդերձն է կրօնաւորական սքեմը (վերարկուն), որով նոքա տարբերում են աշխարհականներից:

Կուսակրօն հոգևորականները տարբերում են ամուսնացած հոգևորականներից վնդարով, որ անհասարակ անապատականների գլխի ծածկոյթն է, և սրածայր գագաթ ունի կաթողիկէի նմանութեան: Յայտնի չէ, թէ ո՞ր ժամանակից է մտել վեղարի գործածութիւնը մեզանում, բայց մեր մատենագիրներէ մէջ յիշատակում է ժա դարից յետոյ:

Սովորական ժամերգութեան ժամանակ կաթողիկոսը, եպիսկոպոսը, վարդապետը ու քահանան ձգում են իրանց վերայ փիլժօն:

Գաւազան. գաւազանը պատուի նշան է կուսակրօն հոգևորականների և երկու տեսակ է լինում.

Երկգլխեան օձազարդ գաւազան, որ իրաւունք ունին գործ դնել արքեպիսկոպոսներ, եպիսկոպոսներ և ծայրագոյն վարդապետներ: Օձագլուխ գաւազանը յիշեցնում է Մովսիսի գաւազանը և այն ձողը, որի վերայ նա բարձրացրեց անապատում օձը, իբրև օրինակ Քրիստոսի խաչին:

Հովուական կամ գնդաձև, որ հովուի ցուպի ձև ունի կոր գլխով և յատուկ է միմիայն կաթողիկոսին, որ հովուապետն է համարւում համայն ազգի:

Կաթողիկոսը, իբրև իշխանական նշան կրում է մատանի մատանէ մատում, իսկ եպիսկոպոսը ճկոյթ մատին:

Հողաթափ. եկեղեցի մտնելիս բոլոր հոգևորականները ոտին հազնում են հողաթափ, իսկ բեմը ելնելիս հողաթափ հազնելը պարտաւորական է ամեն հոգևորականի համար իբրև լրումն տէրունական առակին, որ երբ անառակ որդին մեղայով դարձաւ իւր հօրը, սա գթալով հրամայեց ծառաներին հագնել նորա ոտներին կօշիկ. այլ և այն պատուէրի, որ տուեց Յիսուս առաքեալներին կոխել օձերը, կարիճները և թշնամու բոլոր զօրութիւնը:

Հողաթափը պատուոյ մի ցոյց է դէպի Աստուծոյ տունը. իսկ պատարագին «մի ոք

յերեխայից» ասելիս քահանան հանում է հողաթափները և յիշատակ հին ուխտի ժամանակ Աստուծոյ ասած խօսքին թէ «լոյճ զհողաթափս ոտից քոց, զի տեղիդ յորում դուդկաս, սուրբ է»:

**բ, Սարկաւագի, կիսասարկաւագի եւ դպիրների
զգեստներ.**

Սարկաւագը եկեղեցում հազնում է շապիկ և ձախ ուսին ձգում է ուրար: Կիսասարկաւագը նոյնպէս շապիկ է հազնում և ուրարի փոխանակ կրում է ձախ բազկին ըազկուրար: Իսկ դպիրները միմիայն շապիկ են հազնում:

Շապիկը նշան է սրբութեան և անարատութեան:

Ուրարը հրեշտակի թևերն է նշանակում, որովհետև սարկաւագը կատարում է հրեշտակի պաշտօնը: Սարկաւագի ձախ ուսին ուրար ձգելը նշանակում է, որ նա Յիսուսի լուծը կիսով չափ է բառնում և դեռ կարողութիւն չունի ամբողջապէս կրելու:

Բազկուրարը նշանակում է, որ կիսասարկաւագը դեռ ամենևին չի կարող այդ լուծը վերցնել իւր վերայ:

գ, Քահանայի զգեստներ.

Սուրբ պատարազի ժամանակ եկեղեցում քահանան գործ է դնում հետևեալ զգեստները.

Սաղաւարտ. սաղաւարտը փոխարինում է Ահարօնեան խոյրին և դիպակից կամ կերպասից ասղնէգործած կամ մարգարտազարդ և արծաթապատ գլխանոց է զագաթին մի փոքրիկ խաչ ամրացրած, որի չորս կողմերը նկարուած են Բրիտոսի տնօրէնութեան չորս գլխաւոր դէպքերը: Սաղաւարտի գործածութիւնը հին ուխտի եկեղեցուց է առնուած և նշանակում է Փրկչի կրած փուշ պսակն ու վարշամակը և գործ է դրում որպէս զրահ թըշնամու զօրութեան դէմ պատերազմելու:

Շապիկ. շապիկը Ահարօնի պատմուճանի օրինակն ունի. շապիկը պէտք է լինի սպիտակ և նշանակում է հրեշտակի սպիտակ հանդերձը, որ նստած էր Յիսուսի գերեզմանի վերայ և այն հանդերձը, որ Հերովդէսը ծածկեց Յիսուսի վերայ. իսկ սպիտակութիւնը նշանակում է մեր Փրկչի անախտ ծնունդն և անարատ կեանքը:

Փորուրար. առջևից կախ է ձգում պարանոցի վերայ և ծածկում է կուրծքը մինչև վայր. փորուրարը նշանակում է այն ծանր

լուծը, որ քահանան ամբողջապէս առնում է իւր ուսերի վերայ և նշանակէ խոնարհութեան, հեղութեան և արդարութեան, որով պէտք է քահանայն զարդարէ իւր սիրտը: Միևնոյն ժամանակ նշանակում է Յիսուսի հնազանդութիւնը և համբերութիւնը իւր կենսագործ տնօրէնութիւնները կատարելու:

Գօտի. գօտին գործ էր դնում և հին ուխտի եկեղեցում. դա մի լայն ժապաւէն էր, որ առջևից ունէր մէջ տեղը արծաթի կամ ոսկէ ակնազարդ և մարգարտապատ գլուխ իբրև կապ. նոյն ձևն ունի և այժմ մեզանում և նշան է արիւթեան և հոգևորական քաջութեան քահանայական պաշտօնը կատարելու. միևնոյն ժամանակ նշանակում է Յիսուսի ողջախոհութիւնը և նորա Աստուածութեան անբաժանելի միաւորութիւնը մարդկութեան հետ:

Թաշկինակ. գօտու հետ քահանան կրում է և թաշկինակ, ինչպէս որ Փրկիչը սիածաւ զենջակ և լուաց աշակերտների ոտներն ու զենջակով սրբեց. բայց իսկապէս գործնական պիտանութիւն ունի ձեռները մաքրելու համար:

Բազպաններ. քահանայի շապկի թեզանիները պատած են լինում բազուկների վերայ թեւնոցներով, որոնք կոչւում են բազպան

և նշանակում են Յիսուսի ձեռքի կապանքները և նշան են բազուկների զօրութեան թըշնամու դէմ պատերազմելու, նաև նշանակում է մեր Փրկչի սրտի յօժարութիւնն ու պատրաստութիւնը երկնաւոր հօր հաճութիւնը կատարելու:

Վակաս. քահանայի ուսանոցն է, որ կիսաբոլորակ ձևով պատում է քահանայի պարանոցը թիկունքի կողմից և սովորաբար ձուլած կամ ասղնէգործած է լինում ոսկէհուռն անկուածով, վրան տասներկու առաքեալների և մէջ տեղը Յիսուսի պատկերները: Վակասը Ահարոնի վակասին է փոխարինում և նշան է մոլորեալ ոչխարին, որ Յիսուս ուսի վերայ դրեց, այն է մոլորեալ մարդկութեան. միևնոյն ժամանակ վակասը արդարութեան նշանակն է և մտաբերել է տալիս հաւատացեալներին մեր Փրկչի խոստացած քաղցր լուծը և թեթև բեռը:

Շուրջառ կամ *նափորտ.* շուրջառը փլունաձև երկայն և անթև վերարկու է, որ գործ է ածւում ս. պատարագի, սրբազան խորհուրդների կատարման, նախատօնակին, թափորի ժամանակ և աւետարանը կարդալիս: Շուրջառը որպէս հոգևոր զրահ նշանակում է Յիսուսի անկար քղամիղը և այն ծիրանին, որ

չարչարանքի օրը ձգեցին նորա վերայ: Նաև նշանակուամ է շնորհների լիութիւնը և լրումըն ամենայն առաքինութեանց, որով զարգարուած էր Յիսուսի մարդկութիւնը:

դ, Եպիսկոպոսական զգեստներ.

Եպիսկոպոսը, բացի քահանայական զգեստներից, կրում է նաև՝ փոխանակ սաղաւարտի՝ խոյր կամ թագ, արտախուրակներ, եմիփորոն և գաւազան:

Թագը կամ խոյրը երկփեղկեան գլխարկ է ականակուռ և գոհարագարդ. դա վերցրած է հին ուխտի եկեղեցուց և նշանակուամ է հին և նոր կտակարանների գիտութիւնը և այն իմաստութիւնը, որ պիտի ունենայ եպիսկոպոսը:

Արտախուրակները թագի ետևից կախուած կէս կանգուն երկայնութեան զարդեր են, որոնց գործածութիւնը վերցրած է հրէից քահանայապետների ապարօշի ձևից, որով նոքա պատուամ էին թագի ստորին կողմը, իսկ երկու ծայրերը արձակ կախ էին ընկած ուսերի վերայ:

Եմիփորոն. դա լայն և հինգ խաչով զարդարուած ուրար է, որ եպիսկոպոսը կրում է շուրջառի վերայ և ուսերի վերայից

տարածուամ է կրծքի և մէջքի վերայ մինչև ոտները: Ինչպէս երևում է ամենահին նկարներից եմիփորոնի գործածութիւնը մնացած է առաքեալներից: Եմիփորոնը գործ է ածուամ ամբողջ զգեստաւորութեան ժամանակ:

ե, Հայրապետական զգեստներ:

Կաթուղիկոսը բացի եպիսկոպոսական բոլոր զգեստներից գործ է դնում նաև կոնքեռն, որ մի քառանկիւնի (խաչաձև) զարդ է, մի ծայրից գօտկից կախած որպէս հովուական հոգևոր զէնք և Յիսուսի զենջակի նշանակութիւնը ունի: Կոնքեռն երբեմն տրուամ է և պատուաւոր արքեպիսկոպոսներին և պարիաքներին իբրև նշան գերագոյն յարգանաց:

Արծուէգորդ. արծիւը իբրև բարձրաթռիչ և սրատես՝ եկեղեցին փոխաբերաբար մաքուր և ուղիղ վարդապետութեան նշան է համարուամ, իսկ արծուէգորդի գործածութիւնը ցոյց է տալիս, որ քահանայապետը իւր կոչման և կեանքի մէջ պէտք է նմանի արծուին:

Է. ԱՍՏՈՒԱԾՊԱՀՏՈՒԹԵԱՆ Ս. ԳՐԻԳՆՐԸ:

Աստուածայաշտութիւնը և եկեղեցական սրբազան խորհուրդները կատարելու համար գործ են դրուում հետևեալ գրքերը.

ա. ս. Աւետարան.

բ. Ժամագիրք

գ. շարական

դ. ճաշոց գիրք

ե. խորհրդատետր

զ. տաղարան

է. տօնացոյց

ը. մաշտոց

թ. կանոնագիրք

ժ. յայսմաւուրք:

ա, Ս. Աւետարան.

Ս. Աւետարանը բովանդակում է իւր մէջ մեր Տէր Յիսուս Քրիստոսի երկրաւոր կեանքը նորա տնօրէնութիւնները, որ գրեցինչորս աւետարանիչները՝ Մատթէոս, Մարկոս, Ղուկաս և Յովհաննէս: Աւետարանի և առհասարակ ամբողջ Աստուածաշնչի հայերէն թարգմանութիւնը եղաւ հինգերորդ դարում ս. Սահակ և Մեսրոպ թարգմանիչների և նոցա աշա-

կերտների ձեռքով և կոչուում է բոլոր լեզուների թարգմանութեանց թագուհի:

բ, Ժամագիրք, --- Հասարակաց կարգ աղօթից.

Ժամագիրքը օրուան ժամերի վերայ բաժանուած գիրք է, որ պարունակում է իւր մէջ հասարակաց աստուածայաշտութեան կարգը կամ այն աղօթքները, երգերն ու ընթերցուածները, որոնցով ամեն օր հաւատացեալները ժողովուելով տաճարը հրապարակով պաշտօն են մատուցանում Աստծուն: Ժամագիրքը գրել են մեր ս. Սահակ և ս. Մեսրոպ թարգմանիչները և կարգաւորել են Գիւտ, Յոհան Մանդակունի և Ներսէս Ենորհալի սուրբ հայրապետները:

Հայաստանեայց եկեղեցին սահմանած ունի օրական ինն անգամ հասարակաց աղօթք՝ ինն դաս հրեշտակների օրինակով, որոնք անդադար փառաբանում են Աստծուն. մենք ևս երկնային հրեշտակներին նմանելով՝ աղօթում ենք օրէնը ինն անգամ, ուստի և ժամագիրքը բաժանուած է ինն մասն, այն է.

ա. Գիշեր-ժամու.

բ. Առաւօտեան.

գ. Արևագալի.

- դ. Երրորդ ժամու կամ առաջին ողորմեա.
- ե. Վեցերորդ ժամու—երկրորդ ողորմեա.
- զ. Իններորդ ժամու—երրորդ ողորմեա.
- է. Երեկոյեան.
- ը. Խաղաղական.
- թ. Հանգստեան.

Հին ժամանակ աստուածալաշտութեան ինն կարգը կատարուում էր առանձին առանձին որոշուած ժամերին, իսկ վերջին դարերում միմիայն օրը երկու անգամ, առաջին վեցը առաւօտեան, իսկ վերջին երեքը երեկոյեան: Սակայն վանքերում հնաւանդ ձևով է շարունակուում: Իսկ պատարագի օրերին երեք ողորմեան կատարուում է ճաշին ս. պատարագի հետ միասին:

Ընդհանուր գիտելիք.

Ժամերգութեան ժամանակ եկեղեցու պաշտօնեաներից իւրաքանչիւրը իւր դերն ունի և ասելիքը. այսպէս.—

Աւագ երէցը ժամ է օրհնում և ասում է բոլոր մաղթանքները—դասում:

Քահանաները ասում են աղօթքներ և կարդում աւետարան—ատեան:

Սարկաւազը ասում է քարոզներ-ատեան:

Դպիրները ասում են փոխ—ատեան: Ամբողջ խումըը դասէ դաս երգում են շարականները ու երգերը:

Պատարագի ժամանակ ժամարար քահանան պատարագ է մատուցանում բեմի վերայ սեղանի առջ:

Սարկաւազը վերաբերում է աւետարանը և ընծաները բեմի վերայ:

Միւս սարկաւազները և կիսասարկաւազը սպասաւորում են սեղանին բեմի աջ և ձախ կողմերում:

Դպիրներն և երգեցիկ խումըը երգում են-ատեան:

Գիշեր ժամու աղօթք.

(Գլխաւոր մասերի մեկնութիւնը)

Մեր եկեղեցին ինչպէս հասարակաց Աստուածալաշտութիւնը, այսպէս էլ բոլոր խորհուրդներն ու ծէսերը սահմանած է սկսել և վերջացնել Տէրունական աղօթքով կամ Հայրմերով, որ հիմն է և բովանդակութիւն ամեն աղօթքի և որից բխում են ամեն տեսակ խնդրուածներ:

Գիշեր ժամու աղօթքը ուղղում ենք Հօր Աստծուն և նախամարդու պատուիրանազան-

ցութեան խորհուրդն ունի, որով նախամար-
դիկ մերկացան շնորհներից և այնուհետև
փակուեցան նոցա բերանները Աստծուն օրհ-
նաբանելուց, ուստի և մենք մէջ գիշերին
խոստովանելով մեր մեղքերը՝ համարձակու-
թիւն ենք խնդրում 'Հօր Աստծուց բանալու
մեր ըերանը և աղօթելու, այս խօսքերով
'Տէր եթէ զըրթունս իմ՝ քանաս, ըերան իմ
երգեսցէ զօրհնութիւնս քո»:

Այդ ժամերգութիւնը մենք կատարում
ենք գիշերը դարձեալ այն պատճառով, որ
Քրիստոս գիշերը յարութիւն առաւ և գիշերով
պէտք է լինի մեռեալների յարութիւնը:

«Զարթուցեալքս» քարոզը և «զբէն գո-
հանամք» աղօթքը ասել է մեր սուրբ հայրա-
պետ Յովհան Մանդակունին:

Օրհնութիւն կամ հոգևոր երգ գիշերա-
յին ժամուն երգում ենք այն խորհրդով, որ
ինչպէս Մովսէս մարգարէն Իսրայէլեան ազգը
ազատելով Փարաւօնի ծառայութիւնից և ա-
նապատը հանելով՝ Աստծուն օրհնութեան
երգ երգեց, այսպէս էլ հաւատացեալ ժողո-
վուրդը Յիսուսի միջոցով աղատուելով անմար-
մին Փարաւօնից կամ խաւարի իշխանութիւ-
նից՝ երգում է նոյնանման օրհնութիւններ և
երգեր, որոնք խորհրդաբար նկարագրում են

մարդկային ընկած բնութեան ազատութիւնը:

«Վասն»-ով սկսուող չորս քարոզները և
նոյնքան աղօթքները ասել է մեր սուրբ Սա-
հակ Պարթև հայրապետը. դոցանով մենք ա-
ղօթում ենք աշխարհի և մեր անձերի խա-
ղաղութեան և ամենայն քրիստոնեաների պահ-
պանութեան համար:

Գոցանից յետոյ երգում ենք Տէրունա-
կան տօներին «ալէլուեա» երգը, (ալէլուեա
հրէից բառ է և նշանակում է «Տիրոջ օրհնե-
ցէք») որ ցնծութեան և օրհնութեան նշան
է և շնորհակալութիւն ենք մատուցանում
Տիրոջ, որ կրկին արժանացել ենք մեր կորց-
րած փառքին:

Իսկ պահոց և Մարտիրոսաց տօներին դո-
րա փոխարէն երգում ենք «Թագաւոր յաւի-
տեան» երգերը, որոնցով աղօթում ենք, միջ-
նորդ ձգելով դէպի Հայր Աստուած տօնուող
սրբերին, որոնք Քրիստոսի չարչարանքը իւ-
րեանց անձերի մէջ կրեցին:

Գործնական վարժութիւն:

Հ ա ս ա ր ա կ օ ը ու ա յ .

Աւ. երէց. — Հայր մեր.

Տէր եթէ զըրթունս.

Օրհնեալ համագոյ.

Սարկ. — Տէր զի բազում.
 Զարթուցեալքս.
 Քահ. — Զքէն գոհանամբ.
 Աւ. երէց. — Օրհնեալ տէր մեր.
 Դասէղաս. — Օրհնութիւն շարական-պահոց կամ
 մարտիրոսաց ձայնից.
 Աւ. երէց. — Մաղթանք ձայնից:
 Սարկ. — Չորս բարոզներ ձայնից.
 Քահ. — Չորս աղօթքներ ձայնից.
 Դասէղաս. — Թագաւոր յաւիտեան.
 Աւ. երէց. — Չորս աղօթքների մաղթանք ձայնից.
 Հայր մեր.

Կ Ի Լ Բ Կ Ի Թ Ե Լ Կ Ի Թ Ե Լ Կ Ի

Աւ. երէց. — Հայր մեր.
 Տէր եթէ զշթոնս
 Օրհնեալ համագոյ.
 Ատեան | Տէր զի բազում-ձայնիւ
 խմբովին |
 Դասէղաս. — Փառք հօր.
 Յիշեսցուք.
 Զարթիք.
 Սարկ. եւ |
 Դպիրներ | Զարթուցեալքս.
 Ատեան |

Դասէղաս. — Առաւօտ լուսոյ.
 (Մարտ. տօնին՝ Աշխարհ ամենայն)
 Քահ. — Զքէն գոհանամբ.
 Աւ. երէց. — Օրհնեալ տէր մեր.
 Դասէղաս. — Հանգստեան շար.
 Սաղմոս.
 Քահ. — Աւետարան տաճարի ձայնից
 Դասէղաս. — Աստուածանել.
 Երգ օրուան պատշաճի.
 Աւ. երէց. — Հոգւոց.
 Սարկ. — Եւ ևս խաղ. վասն հանգուցեալ
 Քահ. — Քրիստոս որդի.
 Աւ. երէց. — Հայր մեր.
 Սարկ. — Եւ ևս խաղ.
 Աւ. երէց. — Օրհնութիւն և փառք.
 Դասէղաս. — Օրհնութիւն շարական Յարութեան
 ձայնից.
 Աւ. երէց. — Մաղթանք. փառք հրաշափառ.
 Սարկ. և դպիրները | Չորս բարոզ-ձայնից.
 ատեան, ձայնով |
 Քահ. — Չորս աղօթք-ձայնից.
 Դասէղաս. — Ալէլուեա-ձայնից.
 Աւ. երէց. — Մաղթանք ձայնից.
 Հայր մեր.

Կ
Ի
Լ
Բ
Կ
Ի
Թ
Ե
Լ
Կ
Ի
Թ
Ե
Լ
Կ
Ի

Մ Ե Տ Ա Յ Գ Ի

Նոյն կարգն է կատարուում հետևեալ տարբերութեամբ և փոփոխութիւններով. —

ա. Բոլոր քարոզները ասուում են թիւ:

բ. Նոյնպէս և «Տէր զի բազում»ը:

գ. Պաշտաման կարգը այսպէս է փոխուում. —

Օրհնեալ տէր մեր.

Այսօր անձառ — հերթով.

Սաղմոս — նշանեցաւ.

Աւետարան՝ խաչելութեան — ձայնից.

Նորագող — ձայնից.

Երգ՝ զարհուրեցան.

Հոգևոց և հայր մեր.

դ. Օրհնութիւն շարականը — յատուկ.

ե. Մաղթանքներն ու ալելուեան՝ խաչի:

ԾԱՆ. Մի բանի տերունական նշանաւոր տօներին օրհնութեան շարականից առաջ ասուում է հետևակ շարական՝ պատշաճի:

Ա ռ ա յ օ տ ն ա ն .

(Գլխաւոր մասերի մեկնութիւնը):

Առաւօտեան աղօթքը ուղղում ենք Աստուածորդուն և Յիսուսի Յարութեան խորհուրդն ունի, որովհետև այդ ժամին երևե-

ցաւ նա իւղաբեր կանանց և լցրեց նոցա խնդութեամբ, ուստի և մենք առաւօտեան աղօթքի սկզբում իբրև նշան ուրախութեան ասում ենք հետևեալ սաղմոսը. «Լցաք առաւօտու ողորմութեամբ քով, ցնծացաք և ուրախ եղաք զամենայն աւուրս կենաց մերոց»:

Յետոյ ասում ենք Հարց կոչուած շարականը, կամ երից մանկանց երգը: Հարցի խորհուրդն այս է. ինչպէս որ մանուկներին Նաբուգոդոնոսոր արքայի պատկերին երկրպագութիւն չտալուն համար ձգեցին հնոցի մէջ և բանն Աստուած իջնելով այնտեղ փրկեց նոցա այրուելուց, այսպէս էլ մենք ամեն առաւօտ Հարց շարականը երգելով հայցում ենք Տիրոջից, որ փրկէ մեզ մեղքի կրակից. Հարցը միևնոյն ժամանակ Աղամի ազատութեան խորհուրդն ունի:

Մեծացուցէ շարականը Յիսուսի ծննդեան, իսկ իւղաբերից Աւետարանը նորա թաղման և յարութեան խորհուրդն ունի:

Իւղաբերից աւետարանը խորանից դուրս բերելը Յիսուսի գերեզմանն է նշանակում, վառած երկու մոմերը՝ երկու հրեշտակները, իսկ խունկը իւղաբեր կանանց անուշահոտութիւնը, որ յարութիւնից յետոյ տարածուեցաւ ամեն կողմ աւետարանի քարոզութեամբ:

Փառք ի քարձունս երգը երգում ենք ի խորհուրդ մարդոց ազգակցութեան հրեշտակաց հետ:

Ասասցուք քարոզով աղօթում ենք աշխարհի, Հայոց Հայրապետի, բոլոր հոգևոր ուխտի, թաղաւորների և նոցա զօրքի, գերեալների, ճանապարհորդների և նաւորդների, օգի բարեխառնութեան, պտուղների առատութեան, հիւանդների և ամեն վշտացածների, անօրէնների ձեռքը ընկածների, մեռածների և կենդանիների փրկութեան համար:

Սուրբ Աստուածը, որ աւուում է նաև երեքսրբեան երգ, երգում ենք նոյնպէս, ՚ի դէմս Որդւոյն Աստուծոյ ի նշան մեր երախտագիտութեան դէպի նա և երեք անգամ ասելուց յետոյ վերջը միջնորդ ենք ձգում նորա մօտ սուրբ Աստուածածնին, ասելով «Փառաւորեալ» երգը, որ ասել է Թովմաս առաքեալը: Սուրբ Աստուած երգը, ըստ աւանդութեան, երգել է Յովսէփ Արեմաթացին, երբ Քրիստոսի մարմինը իջեցնելով խաչից՝ դրաւ նոր գերեզմանի մէջ և երգեց «Սուրբ Աստուած, սուրբ և հզօր, սուրբ և անմահ, որ խաչեցար վասն մեր, ողորմեա մեզ»:

Հայաստանեայց եկեղեցին նոյն հնաւանդ

ձևով երգում է մինչև այժմ, տէրունական տօներին յարմար փոփոխելով որ խաչեցար բառերը:

Արարչական երգը գրել է մեր նշանաւոր հայրապետ ս. Ներսէս Շնորհալին ժիզարում և Աստուծոյ վեցօրեայ արարչագործութեան պատմութիւնն է ներկայացնում, որով մենք յիշում ենք նորա ամենակարողութիւնը:

Գործնական վարժութիւն.

Հ ա ս ա ր ա կ օ ը ու ա յ :

Ա. երէց. — Հայր մեր.

Լ ցաք առաւօտու.

Սարկ. — Ուրախ եղաք.

Ա. երէց. — Փառք հօր.

Սարկ. — Այժմ և միշտ. — և ևս խաղ.

Ա. երէց. — Օրհնութիւն և փառք.

Դպիրներ. — Օրհնեալ ես տէր.

Ա. երէց. — Օրհնեցէք ամենայն գործք.

Դասէղաս. — Հարց շարական ըստ պատշաճի.

Սարկ. — Եկեալքս.

Ա. երէց. — Յօղեա՛ տէր զցօղ. (Յարութեան

Հզօր յաղթող)

Դպիրներ. — Մեծացուցէ՛փոխ.

- Դասէղաս.—Մեծասցուցէ. շարակ. ըստ պատշաճի.
 Սարկ.— Սուրբ զԱստուածածինն.
 Բահ.— Ընկալ տէր.
 Դպիրներ.— Ողորմեա—փոխ.
 Դասէղաս.— Ողորմեա շարական ըստ պատշաճի.
 Սարկ.— Երկրպագեմք.
 Աւ. երէց.— Բարեխօսութեամբ (յարութեան՝ ողորմած գթած).
 Դպիրներ.— Օրհնեցէք—փոխ.
 Դասէղաս.— Շարական. տէր երկնից.
 Դասէղաս.— Փառք ի բարձունս (կիւրակի և տէրունական տօներին՝ ատեան):
 Աւ. երէց.— Փառք պատիւ.
 Դասէղաս.— Առաւօտու երգ.— ձայնից ըստ պատշաճի:
 Սարկ.— Փառաւորեացուք — պահոց օրերին, զձգնութիւն—մարտիրոսաց, առաջնորդք—հայրապետաց, մայր սուրբ—Աստուածածնի, Ասասցուք—կիրակիները:
 Բահ.— Գոհանամք.
 Դասէղաս.— Սուրբ Աստուած—Յ անգամ ըստ պատշաճի.
 Փառաւորեալ:
 Աւ. երէց.— Փրկել զմեզ.
 Սարկ.— Եւ ևս խաղ. Վասն լսելի.

- Աւ. երէց.— Օրհնութիւն և փառք.
 Դպիրներ.— Օրհնեցէք մանկունք—փոխ.
 Դասէղաս.— Մանկունք շար. ըստ պատշաճի և ձայնից.
 Սարկ.— Վասն խաղաղութեան.
 Բահ.— Սուրբ ես տէր.
 Դպիրներ.— Բանից իմոց—պահոց. սիրեցի—մարտիրոսաց.
 Դասէղաս.— Արարչական պատշաճի.
 Աւ. երէց.— Քրիստոս Աստուած մեր—սրբոց.
 Սարկ.— Սուրբ ձգնաւորօք.
 Բահ.— Պսակիչ կամ Որ ընտրեցեր.
 Աւ. երէց.— Խաչ քո եղիցի—պահոց.
 Սարկ.— Աղաչեացուք.
 Բահ.— Օգնեա մեզ.
 Սարկ.— Յիշեա տէր զպաշտօնեայս քո.
 Բահ.— Բարերար և բազումողորմ.
 Աւ. երէց.— Հայր մեր:

Կ Ի Լ Բ Կ Ի Օ Բ Ո Լ Ա Կ :

- Մինչև մեծացուցէ նոյնն է, մեծացուցէ շարականից յետոյ՝
 Սարկ. եւ զպ.— Վասն սուրբ տեղոյս—ձայնով ատեան.
 Բահ.— Գու ես թագաւոր.

Դասէղաս.— Եղիցի— ձայնով.

» Արի տէր, Արի և մի՛ մերժեր. Թագաւորեացէ. Օրթի.

Քահ.— Աւետարան իւղաբերից. ձայնից.

Դասէղաս.— Փառք յարութեան.

Սարկ.— Զուարճացեալքս.

Քահ.— Ամենակեցոյց.

Յետոյ Ողորմեա շարականը և նոյն կարգով շարունակուում է մինչև «օրհնեցէք մանկունք», որի փոխարէն՝

Դասէղաս.— Եղիցի անուն տեառն օրհնեալ.

Քահ.— Աւետարան բժշկութեան— ձայնից.

Դասէղաս.— Նորաստեղծեալ. ձայնով.

Սարկ.— Խնդրեսցուք.

Դասէղաս.— Կեցո՛, տէր ողորմեա.

Քահ.— Քում ամենազօր.

Աւ. երէց.— Հայր մեր:

Մ ե ծ ի պ ա հ ք ի.

Մեծի պահքին բոլոր քարոզներն ասուում են թիւ. նոյն կարգն է կատարուում ինչ որ հասարակ օրը մինչև մանկանց շարականը. յետոյ՝

Քահ.— Վասն խաղաղութեան.

Քահ.— Սուրբ ես տէր.

2. քահ.— Տէր ամենակալ.

Քահ.— Եկեալքս ի խոստովանութիւն.

» Տէր Աստուած փրկութեան մերոյ.

Դպիրներ.— Բանից իմօց.

Դասէղաս.— Արարչական.

Աւ. երէց.— Խաչ բո՛ եղիցի և այլն մինչև վերջ:

Արեւագալի կամ առաջին ժամն աղօթք.

(Գլխաւոր մասերի մեկնութիւնը):

Արեւագալի աղօթքը ուղղում ենք սուրբ Հոգւոյն և կոչուում է «առաջի ժամու», որովհետև կատարուում է ասիական առաջին ժամին, այն է մեր 6 ժամին:

Արեւագալի ենք անուանում աստուածպաշտութեան այդ կարգը, որովհետև այդ ժամերգութեանը երգուող բոլոր երգերով, քարոզներով և աղօթքներով խնդրում ենք սուրբ Հոգւոյն, որ զգալի արեգակի ծագելու հետ լուսաւորէ մեր հոգին իմանալի արեգակի, այն է Քրիստոսի լուսով. արեգակը մեր Փրկչի նմանութիւն ունի, որ ծագելով արեւելքում՝ լուսաւորեց մարդկութիւնը:

Իսկ առաջին ժամին կատարելը Յիսուսի յարութեան խորհուրդն ունի, որովհետև Յիսուս այդ ժամին երեւեցաւ աշակերտներին

իւր յարութիւնից յետոյ. առաջին ժամին կատարուիլը յիշեցնում է մեզ նաեւ միւսանգամ գալուստն և մարդկանց յարութիւնը:

Գործնական վարժութիւն:

Աւ. երէց. — Հայր մեր.

Եղիցի անուն տեառն օրհնեալ.

Սարկ. — Ի նա օրհնեսցին.

Աւ. երէց. — Փառք Հօր.

Սարկ. — Այժմ և միշտ. — և ևս խաղաղութեան.

Աւ. երէց. — Օրհնութիւն և փառք.

Դասէղաս. — Յարևելից — երգ.

Սարկ. — Յարևելից մինչև 'ի մուտս.

Քահ. — Յարևելից — աղօթք.

Դպիրներ. — Աղաղակեցէք — փոխ.

Դասէղաս. — Ճգնաւորք — երգ.

Աւ. երէց. — Աղաչեմք ողորմեաց.

Սարկ. — Սուրբ ճգնաւորք.

Քահ. — Սուրբ ես տէր.

Դպիրներ. — Աստուած Աստուած իմ — փոխ.

Դասէղաս. — Լոյս արարիչ լուսոյ — երգ.

Աւ. երէց. — Լուսովդ բով Քրիստոս.

Սարկ. — Փառաւորեսցուք.

Քահ. — Զառաւօտու աղօթս.

Դպիրներ. — Տէր հովուեսցէ — փոխ.

Դասէղաս. — Ճանապարհ և ճշմարտութիւն.

Աւ. երէց. — Տէր ուղղեալ.

Սարկ. — Աղաչեսցուք.

Քահ. — Օրհնեալ ես տէր.

Աւ. երէց. — Հայր մեր:

Երրորդ ժամու աղօթք — ա. ողորմեալ.

(Գլխաւոր մասերի մեկնութիւնը):

Երրորդ ժամու աղօթքը ուղղում ենք սուրբ Հոգւոյն, որովհետեւ Պենտեկոստէի օրերը լրանալուն պէս՝ ս. Հոգին այդ ժամին իջաւ վերնատանը առաքելոց վերայ. բացի դորանից աւանդութեամբ գիտենք, որ Տէրը այդ ժամին ստեղծեց Ագամին և Հոգւոյ շնորհքը պարգեւեց նորան, այդ ժամին նախամայր Եւան խաբուեցաւ և Հոգւոյ շնորհքից զԸԸ կուեց — և այդ ժամին Տէրը խաչին բեւեռուեց և աւազակին դրախտը տարաւ. այդ է պատճառը, որ սուրբ Հոգին ևս այդ ժամին պարգեւեց մեզ, որ իւր իջմամբ բազմապատիկ շնորհքներով զարդարեց առաքեալներին և նոցանով մեզ հաւատացեալներին, ուստի և երրորդ ժամին աղօթում ենք առ սուրբ Հոգին Աստուած:

Երեք ողորմեաներին մեծի պահոց օրե-

րին աւելանում են և մեծ քարոզներն ու աղօթքները, որ ասել է սուրբ Յովհանն Մանգակունին:

Իսկ Յիշեա տէր զպաշտօնեսայս քո քարոզն ասել է Յովհաննէս սարկաւազ վարդապետը 12-րդ դարում:

Գործնական վարժութիւն.

Աւ. երէց. — Հայր մեր.

Օրհնեալ հոգիդ.

Սարկ. — Ողորմեա-փոխ.

Դասէդաս. — Օրհնեմք զքեզ.

Աւ. երէց. — Յամենայն ժամու.

Սարկ. — Եւ ևս խաղաղութեան.

Աւ. երէց. — Օրհնութիւն և փառք.

Սարկ. — Խնդրեսցուք.

Քահ. — Առաջնորդեա.

Սարկ. — Յիշեա տէր.

Քահ. — Բարերար և բազումողորմ.

Դպիրներ. — Տէր հովուեսցէ.

Սարկ. — Գոհաբանելով.

Քահ. — Խաղաղութեամբ.

Աւ. երէց. — Հայր մեր.

Մ ե ծ ի պ ա հ ո ց .

Օրհնութիւն և փառք-ից յետոյ՝

Սարկ. — Միաբան ամենբեան.

Քահ. — Որ ի բրովբէական.

Դպիրներ. — Աստուած օրհնեալ.

Սարկ. — Խնդրեսցուք.

և այլն ըստ կարգին.

Վեցերորդ ժամու աղօթք—բ. ողորմեա.

(Գլխաւոր մասերի մեկնութիւն):

Վեցերորդ ժամու աղօթքը ուղղում ենք Հօր Աստծուն, որից խնդրում ենք օգնականութիւն մարդկային տկար բնութեան՝ սատանայի դէմ պատերազմելու: Միևնոյն ժամանակ վեցերորդ ժամու աղօթքը կատարւում է և ի դէմս Որդւոյն Աստուծոյ, ՚ի խորհուրդ նախաստեղծի պատուիրանազանցութեան և որովհետև այդ իսկ ժամին Յիսուս ճաշակեց քացախը լեղու հետ խառնած:

Գործնական վարժութիւն.

Աւ. երէց. — Հայր մեր.

Օրհնեալ հայր սուրբ.

2 քահ. — Ողորմեա-ատեան.

Աւ. երէց. — Յամենայն ժամու.

Սարկ. — Եւ ևս խաղաղութեան.

Աւ. երէց. — Օրհնութիւն և փառք.

Սարկ. — Վասն հիւանդաց.

Քահ. — Փարտեա.

Սարկ. — Յիշեա տէր.

Քահ. — Բարերար և բազում.

Դպիրներ. — Երանի որ խորհի-փոխ.

Սարկ. — Խնդրեսցուք.

Քահ. — Հայր գթութեան.

Աւ. երէց. — Հայր մեր:

Մ Ե Տ Ի Ա Վ Տ Ո Գ.

Ողորմեա-ից յետոյ՝

Դասէղաս. — Խաւարեցաւ.

Աւ. երէց. — Յամենայն ժամու.

Սարկ. — Եւ ևս խաղաղութեան.

Աւ. երէց. — Օրհնութիւն և փառք.

Սարկ. — Արթուն մտօք.

Քահ. — Զգեցո՞ մեզ տէր.

Դպիրներ. — Տէր մի յիշեր.

Սարկ. — Վասն հիւանդաց.

Եւ այլն ըստ կարգին:

Իններորդ ժամու աղօթք — գ. ողորմեա.

Իններորդ ժամու աղօթքը ուղղում ենք

Աստուածորդուն, որովհետև այդ ժամին նախահայրը արտաքսուեցաւ դրախտից և նոյն ժամին Գրիստոս աւանդեց իւր հոգին խաչի վերայ և Ադամին ազատեց դժոխքից:

Գործնական վարժութիւն.

Աւ. երէց. — Հայր մեր.

Օրհնեալ որդի սուրբ.

2 քահ. — Ողորմեա — ատեան.

Աւ. երէց. — Յամենայն ժամու.

Սարկ. — Եւ ևս խաղաղութեան.

Աւ. երէց. — Օրհնութիւն և փառք.

Սարկ. — Աղաչեսցուք.

Քահ. — Անկեալ առաջի քո.

Սարկ. — Յիշեա տէր.

Քահ. — Բարերար և բազումողորմ.

Դպիրներ. — Սիրեցի — փոխ.

(Այստեղ ուտեաց օրերը ասուում է հանգստեան շարական ձայնից)

Աւ. երէց. — Հոգւոցն հանգուցելոց.

Սարկ. — Եւ ևս խաղաղութեան. վասն հանգուցեալ.

Քահ. — Քրիստոս որդի.

Աւ. երէց. — Հայր մեր.

Մ Ե Տ Ի պ ա հ ո ց

Ողորմեա-ից յետոյ՝

Դասէղաս.— Չարչարակցեալ.

Աւ. երէց.— Յամենայն ժամու.

Մարկ.— Եւ ևս խաղաղութեան.

Աւ. երէց.— Օրհնութիւն.

Մարկ.— Սուրբ սրտիւ.

Քահ.— Տէր զօրութեանց.

Դպիրներ.— Տէր մի մասներ.

Դասէղաս.— Նահապետաց.

Մարկ.— Աղաչեսցուք.

Եւ այլն ըստ կարգին:

Երեկոյն և առ.

(Գլխաւոր մասերի մեկնութիւնը):

Երեկոյեան ժամերգութիւնը կատարում ենք ի դէմս Որդւոյն Աստուծոյ, որի թաղման խորհուրդ ունի այդ կարգը, որովհետև այդ ժամին Յովսէփ Արեմաթացին իջեցրեց Յիսուսի մարմինը խաչի վրայից և դրեց գերեզմանի մէջ:

Խոնարհեցո սաղմոսը ասուած է Ադամի կողմից և այն խորհուրդն ունի, որ ինչպէս հիւանդը բժշկի ունկնդրութիւնն է խնդրում իւր ցաւը նորան յայտնելու, այսպէս էլ նա-

խահայրը հոգևոր հիւանդութեամբ շաղախուած աղերսում է Աստուծոն, որ լսէ նորա ձայնին և առողջարար դեղ շնորհէ և բժշկէ իրան հիւանդութիւնից ու չարի հարուածներից:

Իսկ Ապրեցոն եկեղեցին ասում է Եւայի կողմից, որովհետև երբ Տէրը հարցնում էր նորան պտղի ճաշակման մասին՝ նա օձին պատճառ բերեց, որով կամեցաւ արդարանալ, բայց դատապարտուեց. վասնորոյ «Ապրեցո» սաղմոսով խնդրում է ազատել իրան չարից և դատապարտութիւնից:

Մեսեղի. Հին ուխտի եկեղեցին առաւօտ և երեկոյ հաց, գառն և դորակի մի չորրորդ մասն գինի էին դնում առաջաւորութեան սեղանը. իսկ նոր ուխտի եկեղեցին, որ մարմնաւորը հոգևորի փոխանակեց, հացի և գառան փոխանակ կարգեց երկու տուն «մեսեղի» ասել, և գինու դորակի չորրորդ մասի փոխարէն «Ուղիղ եղիցին» սաղմոսը չորս մասից բաղկացած:

Համըարձի փոխի և շարականի խորհուրդը այս է. առաւօտից մինչև երեկոյ աշխատելով և վաստակելով թէ հոգւով և թէ մարմնով խնդրում ենք Աստուծոյ օգնութիւնը, որ չբտկարանանք և թուլանանք ու ննջելու ժամը

Հասած լինելով խնդրում ենք պահպանել մեզ
հոգւոյ և մարմնի ամեն որոգայթից:

Գործնական վարժութիւն.
(Հասարակ օրուայ)

Աւ. երէց. — Հայր մեր.

Ես առ Աստուած կարգացի.

Սարկ. — Սպասէի Աստուծոյ իմոյ.

Աւ. երէց. — Փառք հօր.

Սարկ. — Այժմ և միշտ. և ևս խաղ.

Աւ. երէց. — Օրհնութիւն և փառք.

Դպիրներ. — Խոնարհեցո. — փոխ.

Աւ. երէց. — Փառք բեզ Աստուած.

Սարկ. — Եւ ևս խաղաղութեան.

Աւ. երէց. — Օրհնութիւն և փառք.

Դպիրներ. — Ապրեցո. — փոխ.

Աւ. երէց. — Օրհնեալ տէր.

Սարկ. — Հասեալքս ի ժամ.

Աւ. երէց. — Հասեալքս ի ժամ.

Դպիրներ. — Մեսեդիք-պատշաճի.

Ուղիղ եղիցին.

Սարկ. — Աղաչեսցուք.

Քահ. — Լուր ձայնից մերոց.

Դասէղաս. — Սուրբ Աստուած. Փառաւորեալ.

Աւ. երէց. — Փրկել զմեզ

Սարկ. — Եւ ևս խաղաղութեան.

Աւ. երէց. — Օրհնութիւն և փառք.

Դպիրներ. — Համբարձի-փոխ.

Դասէղաս. — Համբարձի շարկանը. — պատշաճի.

Սարկ. — Վասն խաղաղութեան.

Քահ. — Հայր գթած.

Դպիրներ. — Որ բնակեալն — փոխ.

Աւ. երէց. — Զբարձրեալն զՔրիստոս.

Սարկ. — Եւ մեր միաբան.

Քահ. — Յոյս կենաց.

Սարկ. — Յիշեա տէր.

Քահ. — Բարերար և բազումողորմ.

Աւ. երէց. — Հայր մեր.

Կ ի լ ը ա կ ն ա մ տ ի .

Ապրեցո.ից յետոյ՝

Դասէղաս. — Լոյս զուարթ — ձայնով.

Եկեալքս 'ի մտանել.

Մեսեդիքից յետոյ աղաչեսցուքի փո-

խարէն բարող-Ասացուք:

Հայր գթածից յետոյ՝

փոխ. — Աստ օրհնեցէք.

Սարկ. — Խնդրեսցուք.

Դասէղաս. — Աեցո՛ տէր.

Տէր ողորմեա:

Քահ. — Թագաւոր խաղաղութեան.

Աւ. երէց. — Հայր մեր:

ի ա ղ ա ղ ա կ ա ն

(Գլխաւոր մասերի մեկնութիւնը)

Խաղաղական ժամերգութիւնը Գրիստոսի դժոխքը իջնելու խորհուրդն ունի, ուր սպասում էին նրան արգարների հոգիները և Յիսուս ազատելով նոցա՝ խաղաղացրեց այն նեղութիւններից, որի մէջ գտնուում էին. խաղաղական է կոչվում այդ ժամերգութիւնը նաև նորա համար, որ մենք ցերեկուայ խոնջութիւնից հասնելով գիշերը՝ խաղաղութիւն և հանգիստ ենք տալիս մեր անձին:

Շնորհեա մեզ տէր. յայտնի է պատմութիւնից, որ երբ մի անգամ աւաղակները կամենում էին կողոպտել Սևանայ վանքը և խաբէութեամբ ներս մտան արկղների մէջ փակուած իբրև առևտուրի ապրանք՝ յանկարծ հրաշալի կերպով յայտնուեց այդ դարանակալութիւնը և Սևանայ սուրբ հայրերը երգեցին «Շնորհեա մեզ տէր» խորհրդաւոր երգը, իսկ արկղները պահուած մարդկանցով զլորեցին ծովը. այդ երգը մինչև այժմ երգում ենք մեր եկեղեցում խաղաղական ժամերգութեան միջոցին, ՚ի յիշատակ այդ մեծ հրաշքի և ՚ի խորհուրդ հոգիների ազատութեան դժոխքից: Մաղթանքով, քարոզով և աղօթքով խնդ-

րում ենք Աստծուց, որ պահպանէ մեզ գիշերը, իւր լոյսը մեզ առաջնորդ տայ, որով ազատ մնանք գայթակղութիւնից:

Գործնական վարժուլիւն:

Ա. երէց. — Հայր մեր.

Տէր Աստուած փրկութեան.

Սարկ. — Մտցեն աղօթք իմ.

Ա. երէց. — Փառք հօր.

Սարկ. — Այժմ և միշտ. — և ևս խաղ.

Ա. երէց. — Օրհնութիւն.

Դպիրներ. — Ի կարգալ իմում — փոխ.

Դասէղաս. — Շնորհեա մեզ Տէր.

Ա. երէց. — Ի մերձեանալ.

Սարկ. — Գոհացարուք.

Քահ. — Տէր բարերար.

Դպիրներ. — Տէր լոյս իմ.

Դասէղաս. — Նայեաց սիրով.

Ա. երէց. — Տէր մի դարձուցաներ.

Սարկ. — Աղաչեսցուք.

Քահ. — Շնորհատու բարեաց.

Դպիրներ. — Երանեալ են. Բաժին կամ Արարի —
հերթով.

Դասէղաս. — Ի քէն հայցեմք.

Խումբ. — Ատեան — մի տուն ստեղի. — մեծի պա-
հոց չորրորդ երկուշաբթի օրից մին-

չև Ղազարու յարութիւնը:

Աւ. երէց. — Հոգևոցն հանգուցելոց.

Սարկ. — Եւ ևս խաղաղութեան.

Քահ. — Քրիստոս որդի.

Աւ. երէց. — Հայր մեր.

Հ ա ն գ ս տ ե ա ն .

Հանգստեան աղօթքը ուղղում ենք Հօր Աստծուն, որ իւր միածնի պահպանողական աջով պահպանէ մեզ գիշերը և ամեն ժամանակ թշնամու որոգայթներէից. այդ ժամերգութիւնը կատարում ենք գիշերը քնից առաջ, ուստի և կոչում է հանգստեան կամ եկեացէ որովհետև սկսում է եկեացէ սաղմոսով:

Գործնական վարժութիւն.

Աւ. երէց. — Հայր մեր.

Առաքեա տէր զԼոյս քս.

Սարկ. — Մտից առաջի.

Աւ. երէց. — Փառք հօր.

Սարկ. — Այժմ և միշտ. և ևս խաղ.

Աւ. երէց. — Օրհնութիւն.

Սարկ. — Եկեացէ — փոխ.

Աւ. երէց. — Անձն իմ ի ձեռս քո.

Սարկ. — Աղաչեսցուք.

Քահ. — Տէր Աստուած մեր, դու պահեա.

Դասէդաս. — Խաղաղութեամբ քով.

Քահ. — Աւետարան (հանգստեան.)

Սարկ. — Սուրբ խաչիւս.

Քահ. — Պահպանեա.

Աւ. երէց. — Հայր մեր.

Անկանիմք.

Քահ. — Ընկալ քաղցրութեամբ.

Աստուած յաւիտենական.

Որդի Աստուծոյ.

Միաբան. — Փոխէփոխ. — Հաւատով խոստովանիմ.

Աւ. երէց. — Աման սրբուհւոյ Աստուածածնի.

Սարկ. — Սուրբ զաստուածածինն.

Քահ. — Ընկալ տէր.

Աւ. երէց. — Հայր մեր.

զհանգստեան աղօթս.

Քահ. — Փառք բեղ տէր Աստուած մեր.

Աւ. երէց. — Օրհնեալք եղբորք.

գ. Շարական.

Շարականը այն գիրքն է, որ բովանդակում է բոլոր հոգևոր երգերը, որոնք երգւում են եկեղեցում Աստուածպաշտութեան ժամանակ:

Հայաստանեայց եկեղեցում երգուող հոգևոր երգերը առաջին չորս դարում երգւում

էին յոյն և ասորի լեզուներով, քանի որ հայկական տառերը գործադրութեան մէջ չէին, իսկ հինգերորդ դարից սկսած, երբ ս. Սահակ և Մեսրոպ թարգմանիչները գտան և լրացրին հայոց տառերը և բոլոր եկեղեցական գրքերը հայերէնի վերածեցին, այդ ժամանակից շարականները երգուում են հայերէն:

Շարականների մեծ մասը յօրինեցին և կարգի դրին իրանք ս. Սահակն ու Մեսրոպը և բաժանելով ութն ձայնի վերայ յօրինեցին ութն ձայն եղանակները, որոնք են՝

- աձ. — առաջին ձայն
- ակ. — առաջին կողմ
- բձ. — երկրորդ ձայն
- բկ. — աւագ կողմ
- գձ. — երրորդ ձայն
- գկ. — վառ ձայն
- դձ. — չորրորդ ձայն
- դկ. — վերջ ձայն:

Բացի սոցանից կան երկու ձայն ծանր երգուող Ստեղի կոչուած և քանի մի այլ և այլ զարտուղի շարականներ:

Մնացեալ շարականները երգեցին նոցա աշակերտներն ու եկեղեցական ուրիշ հայրեր մինչև ժն դար, որից յետոյ երգուած շարականներն այլ ևս անընդունելի եղան:

Բոլոր շարականները չորս տեսակի են բաժանուում. —

- ա. Տէրունական.
- բ. սրբոց
- գ. պահոց
- դ. հանգստեան

և դոցանից իւրաքանչիւրը բաղկացած են այլ և այլ շարականներից այլ և այլ աօներին կամ օրուան պատշաճ:

Շարականներից իւրաքանչիւրի տեսակը ցոյց տալու համար լուսանցքներում նշանակուում են հետևեալ կրճատմունքներով. —

- Ա. — Օրհնութիւն.
- Ը. — Հարց
- Մ. — Մեծացուցէ
- Ո. — Ողորմեա
- Տ. — Տէր յերկնից
- մկ. — Մանկունք
- ճշ. — Ճաշու
- հբ. — Համբարձի
- ստ. — Ստեղի

Իսկ ութն ձայն աւագ օրհնութեանց լուսանցներում դրած կրճատ խօսքերը Հին կտակարանի զանազան իմաստների կրճատմունքներ են:

դ. Ճաշոց գիրք.

Ճաշոցը հին և նոր կտակարանի ժողովածու է դասաւորուած ամեն օրուայ կարգով, որոնք կարգացուում են եկեղեցում աստուած-պաշտութեան ժամանակ:

Ճաշոց է կոչուում այն պատճառով, որովհետև այդ գիրքը մեծ մասամբ կարգացուում է ճաշու ժամերգութեան ժամանակ:

Հին և նոր կտակարանի ընթերցումը եկեղեցում, ուրեմն և ճաշոց գրքի գործածութիւնը սկսուեցաւ առաքեալների ժամանակից առաջին դարում:

ե. խորհրդատետր կամ պատարագամատոյց.

Խորհրդատետրը պարունակում է սուրբ պատարագի խորհուրդը, որ կատարում է պատարագիչ քահանան:

Մեր եկեղեցում գործածուած խորհրդատետրը յօրինուած է սուրբ Յակովբոս Տեառնեղբօր ձեռքով, լրացրած է ս. Յովհանն Ոսկեբերան հայրապետի ծիսարանից, յետոյ լրացրել են մեր եկեղեցու նշանաւոր հայրերը՝ ս. Յօհանն Մանգակունին և ս. Գրիգոր Նարեկացին. իսկ պատարագի արարողութեան կարգը

և երգեցմունքը աւանդեց մեզ ս. Գրիգոր Լուսաւորիչն առնելով Կեսարիայի եկեղեցուց, որով և կատարում էր մեր եկեղեցին պատարագի ս. խորհուրդը, սակայն հետզհետէ աւելի ճոխացաւ և կարգի ընկաւ ս. Սահակ և Մեսրոպ թարգմանիչների և ս. Յովհանն Մանգակունու ձեռքով:

Չնայելով, որ այսքան փոփոխութիւններ կրեց պատարագի արարողութիւնը, բայց նորա գլխաւոր և էական մասերը բոլորովին նոյնն են, ինչպէս որ կատարում էր քրիստոնէութեան առաջին դարերում:

Յ. Պատարագ.

Սահմանողը՝ ս. Պատարագի խորհուրդը Քրիստոսի մարդեղութեան խորհուրդն է և սահմանեց ինքը Յիսուս Քրիստոս իւր մասնութեան երեկոյին վերնատանը, ուր առնելով հաց՝ օրհնեց ու ասաց աշակերտներին՝ «Առէք կերէք, այս է մարմին իմ» և առնելով բաժակը՝ նոյնպէս օրհնեց և ասաց՝ «Արբէք ՚ի սմանէ ամենեքեան այս է արիւն իմ նորոյ ուխտի». որոնց ճաշակման մասնակից անելով իւր աշակերտներին պատուիրեց նոցա կատարել այդ խորհուրդը ասելով «Զայս արարէք առ իմոյ յիշատակի»: Բայց բուն և իս-

կական պատարագն այն էր, որ յաջորդ օրը ինքը մատոյց խաչի վերայ իւր անձը Հօր Աստծուն՝ մարդկան ազգի փրկութեան համար: Եւ այնուհետեւ բոլոր քրիստոնեայ եկեղեցիք՝ սրբութեամբ կատարում են այդ Փրկչական աւանդը, այն է պատարագի ս. խորհուրդը կենդանեաց և ննջեցելոց համար:

Նիւթը: Պատարագի համար Հայաստանեայց եկեղեցին գործ է դնում բազարջ հաց— նշխար և անապակ— անշուր գինի:

Սեր եկեղեցին *բաղարջ* հացով է պատարագում նախ՝ այն պատճառով, որ այն հացը, որ Յիսուս վերնատանը բաշխեց առաքեալներին, բաղարջ էր, Հրէից բաղարջակերաց տօնի պատճառով և երկրորդ բաղարջ կամ անխմոր հացը օրինակ է Յիսուսի կուսածին և անապական մարմնին:

Իսկ *անշուր* կամ *անապակ* գինի ենք գործ դնում պատարագի համար, որովհետեւ գինին Յիսուսի արեան նշանակութիւնն ունենալով՝ նորա արիւնն ևս անապական էր:

Կատարողը. Պատարագի ս. խորհուրդը իրաւունք ունին կատարել միմիայն քահանան և ինչպէս քահանայապետներ՝ եպիսկոպոսը և կաթողիկոսը՝ եկեղեցում և առհասարակ այն բոլոր մատուռներում, ուր օծուած վէմ քար կայ:

Պատարագի համար քահանան պարտաւոր է նախապէս պատրաստուիլ հսկումով և աղօթքով, հոգւոյ և մարմնի մաքրութեամբ և խոստովանելով քահանայի առաջ իւր մեղքերը. նոյն պատրաստութիւնն է պահանջուում և ամեն հաւատացեալ քրիստոնեայից, ով որ ցանկանում է մերձենալ սուրբ խորհրդին:

Պատարագի օրերը. ս. պատարագ մատուցում է շաբաթ և կիւրակի օրերը, Տէրունական տօներին և հասարակ օրերը ըստ ցանկութեան հաւատացեալ ժողովրդեան, իսկ Ծննդեան և Զատիի ճրագալոյցներին՝ ս. պատարագ է մատուցում երեկոներին ի պատիւ այդ երկու մեծահանգէս տօների: Պատարագի խորհուրդը բոլորովին արգելուած է կատարել Առաջաւորաց պահքի հինգ օրերն և Քառասնորդական պահոց լուր օրերը, բացի շաբաթ օրերից:

գ. Տ ա դ ա ր ա ն.

Պատարագի երգերը, քարոզները, տաղերը և առհասարակ այն մասը, որ կատարում

են սարկաւազներն ու դպիրները, ամփոփուած են մի գրքի մէջ, որը կոչուում է Տաղարան:

է, Տօնացոյց.

Տօնացոյցը մի հրահանգ է, որ ցոյց է տալիս Հայաստանեայց եկեղեցու տօները, այդ տօներին երգուելու երգերը, շարականները, սաղմոսները, ընթերցուածները և առհասարակ ամեն տեսակ հանգիստատարութիւնները, նոցա կատարման եղանակով:

Տօնացոյցը յօրինեցին ս. Սահակ և Մեսրոպ հայրապետները հինգերորդ դարում և հետզհետէ կարգի գրին մեր այլ և այլ հայրապետները, իսկ վերջնական կերպով կարգի գրեց անցեալ դարում Սիմէոն կաթողիկոսը, բաժանելով երկու հատորի:

ը, Մաշտոց.

Մաշտոցը այն գիրքն է, որի մէջ գրուած են եկեղեցական խորհուրդների և հոգևոր ծէսերի կատարելու բոլոր պաշտամունքը, ուստի կոչուում է ծիսարան:

Ծիսարանը գոյութիւն ունէր առաջին դարերից սկսած, բայց Յոյն և Ասորի լեզուով,

որովհետև հայերէն տառերի անգործադրութեան պատճառով այդ լեզուներով էինք աստուածապաշտութեան կարգը կատարում Հայոց եկեղեցում. իսկ երբ հինգերորդ դարում ս. Մեսրոպը հայերէն տառերի պակասը լրացրեց՝ նա թարգմանեց, կարգի գրեց ծիսարանը, որ և նորա անունով կոչուեցաւ Մաշտոց: Ներկայումս գործ է գրուում ծիսարանը երկու առանձին գրքերով.— մէկը պարունակում է իւր մէջ եկեղեցական խորհրդակատարութիւնները, օր. մկրտութեան, պսակի և քանի մի այլ ծիսական կարգեր, այն է ննջեցելոց թաղման, աղօրհնէքի, խաչալուսի և այլն, այդ գիրքը կոչուում է *ձեռագ մաշտոց*: Իսկ միւսը բացի այդ ամենից պարունակում է և եկեղեցու հիմնարկէքն ու օծման կարգը, եկեղեցական ամեն պաշտօնեաների ձեռնադրութեան և թաղման կարգը և այլն, դա կոչուում է *մայր մաշտոց*:

թ, Կանոնագիրք.

Կանոնագիրքը այն ժողովածուն է, որի մէջ գրուած են առաքելական կանոնները, երեք տիեզերական, այն է Նիկիայի, Կոստանդնուպօլսի և Եփեսոսի ժողովների կա-

նոնները և բացի դոցանից նաև Հայաստանեայց եկեղեցական-ազգային ժողովների դրած կանոնները եկեղեցու կառավարութեան և բարեկարգութեան համար, որոնցով կառավարուում է մեր եկեղեցին մինչև այժմ:

Ժ. ՅԱՅՄԱՆՈՒՐՔ.

Յայսմաւորքը սուրբերի կենսագրութիւնըն է, գրուած նոցա նահատակութեան կամ մահուան օրերով, որի համար էլ կոչուում է յայսմ-աւոր, այս ինքն այս օրուայ տօն կամ ընթերցմունք:

Յայսմաւորքի կարգալու սովորութիւնը շատ հին է. դեռ առաքելական դարում պատմում էին սուրբերի գործերը, որ լսողներն էլ հետեին նոցա արիական գործերին և առաքելական կեանքին:

Հայոց եկեղեցում կարգացուող Յայսմաւորքը յոյն և ասորի լեզուներից թարգմանեց Գրիգոր Վկայասէր կաթողիկոսը տասնումէկերորդ դարում, իսկ այնուհետև շատ անգամ փոփոխութեան ենթարկուեցաւ մեր եկեղեցական հայրերից զանազան ժամանակ և լրացուելով՝ գտուեցաւ աւելորդաբանութիւններից:

Յայսմաւորքը մինչև այս դարուս սկիզբը կարգացուում էր մեր եկեղեցիներում երեկոյեան ժամերգութիւնից առաջ, իսկ այնուհետև վերացուեց այդ սովորութիւնը և միմիայն վանքերումն են կարդում:

Ը. ԱՍՏՈՒԱԾՊԱՇՏԱԿԱՆ ԾԷՍԵՐ.

Ծէսը և արարողութիւնը աստուածապաշտութեան արտաքին նշաններ են, որոնք թէև կարևոր և խիստ օգտակար են, բայց առաքեալներն իրանք հաւատի միայն գլխաւոր պէտքը սահմանեցին, իսկ արարողական մասը, իբրև երկրորդական մաս, որոնք չեն վնասում եկեղեցու վարդապետութեան միութեանը, թողին սահմանել իրանց յաջորդներին, այդ պատճառով էլ ծէսերն ու արարողութիւնները միակերպ չեն բոլոր եկեղեցիներում, այլ տարբեր, միայն այդ բոլորի ոգին, հիմքն ու նպատակը միևնոյն աստուածապաշտութիւնն է:

Մեր եկեղեցու գլխաւոր ծէսերը սոքա են.

ա. խորհուրդների կատարման ծէսերը.

բ. տօները.

գ. նիւթական եկեղեցու կազմակերպութիւնը.

դ. Քրիստոսի ս. խաչի, սրբոց մասունքների և պատկերների յարգութիւնը:

ե. պահք և ծոմապահութիւն:

զ. սրբազան արարողութիւններ:

է. հոգևոր սովորութիւններ:

ա. խորհուրդների կատարման ծէսերը:

ՄԿԲՏՈՒԹԻՒՆ և ԴԻՈՇՄ. մկրտութեան և գրողմի խորհուրդը կատարուած է միասին մէկը միւսից յետոյ:

Սմենից առաջ եկեղեցու գաւթում, իսկ եթէ գաւթ չունի, այդ մարդկանց դասումը, քահանայն կատարուած է երգմանեցնելու կարգը, որի սկզբում ոլորում է նարօտը, իսկ յետոյ հրաժարիմքն ու դաւանութիւնն է ասում:

Նարօտը սպիտակ և կարմիր թելերի ոլորուն հիւսուածն է. սորա գործածութիւնը մնացել է քրիստոնէութեան առաջին դարերից, երբ հասակաւոր մկրտողների գլխին պսակ էին դնում կամ նարօտ, որպէս յաղթութեան նշան ընդդէմ հեթանոսութեան. դորա փոխարէն այժմ գործ ենք դնում սպիտակ և կարմիր թելերից ոլորած նարօտը:

Երեսը դէպի արևմուտք հրաժարիմք ասելը ցոյց է տալիս մկրտողի հրաժարուելը խաւարի իշխանութիւնից, իսկ համառօտ դաւանութիւն ասելով հաստատում է քրիստոնէութիւն ընդունելը:

Սյնուհետև կատարուած է ջրի օրհնութիւնը, որովհետև նախահօր պատուիրանազանցութեամբ անիծուեցան նաև բոլոր ա-

րարածները, ուստի և օրհնուում է ջուրը խա-
չով, աւետարանով և ս. Միւռոնի հեղմամբ,
որպէսզի սրբուի և դառնայ նուիրական ջուր:

Յետոյ քահանայն նորից հաւաստիանա-
լով, որ երեխան ցանկանում է քրիստոնեայ
դառնալ, երեք անգամ ընկղմում է ջրի մէջ
ամենասուրբ երրորդութեան անունով, որով
երեխան ազատուում է սկզբնական մեղքից,
իսկ երեք անգամ ընկղմելը օրինակ է Քրիս-
տոսի երեքօրեայ թաղման: Երեխային աւա-
զանից հանելով փաթաթում են սպիտակ կը-
տաւի մէջ, որ սկզբնական անմեղութեան նը-
շանն է: Երեխային մկրտելիս ազգային կամ
քրիստոնէական անուն են տալիս:

Հին ուխտի եկեղեցու սովորութեամբ
երեխային մկրտութիւնից քառասուն օր յե-
տոյ ծնողը տանում է եկեղեցի, ուր դորա հա-
մար սահմանուած կարգն է կատարուում ծնն-
դականի և մկրտուածի վերայ:

ԴՐՈՇՄ. մկրտութիւնից յետոյ քահանան
մկրտուածի ըոյրը զգայարանքները օծում է
սուրբ միւռոնով, որով նա ստանում է ս. Հո-
գու շնորհը և դառնում Քրիստոսի զինուոր:

Դրոշմից անմիջապէս յետոյ մկրտուածին
հաղորդում են Քրիստոսի մարմնոյ և Արեան:
Նորոգ մկրտածին քահանան տանում է

նորա տունը եկեղեցական հանդիսով և յանձ-
նում ծնողին:

ԱՊԱՀԻԱՐՈՒԹԻՒՆ: Ապաշխարութեան ար-
տաքին ծէսը այսպէս է կատարուում. սուրբ
հաղորդութեան մերձենալ ցանկացողը՝ ՚ի
նշան իւր կատարեալ զղջման ծուռի է չոգում
քահանայի առջև և խոստովանում է իւր բո-
լոր յանցանքները, ասելով սահմանեալ «մե-
ղայն»: Իսկ քահանայն հարկաւոր խրատները
տալուց և կարեւոր չափով ապաշխարանք
դնելուց յետոյ՝ արձակումն է շնորհում՝ նորան:
Այն քահանան, որ խոստովանութիւնը կյայտ-
նի ում և իցէ՝ մեր եկեղեցու օրէնքով զբրկ-
ուում է ընդ միշտ քահանայութիւնից:

ՁԵՌՆԱԴՐՈՒԹԻՒՆ: Ձեռնադրութեան հան-
դէսը Հայաստանեայց եկեղեցին սահմանած է
տօնել ամենաշքեղ կերպով, ի նկատի ու-
նենալով եկեղեցու պաշտօնեաների կոչման
նուիրական սրբութիւնը և այդ խորհրդի
վեհութիւնը: Ձեռնադրութեանց մանրամասն
խրատները բովանդակուում են Մայր Մաշտո-
ցի մէջ:

(Կրկնել նախընթացից «քահանայութիւնը»).

ԱՄՈՒՄՆՈՒԹԻՒՆ: Պսակի խորհրդից առաջ
քահանան գնում է հարսի տունը և օրհնելով

փեսայի տալիք նշանը տալիս հարսին: Այս սովորութիւնը այժմ նոյն իսկ պսակի օրն է կատարուում:

Նոյն օրը փեսայի տանը քահանան օրհնում է հալաւը, կամ փեսայի և հարսի հանդերձները, որ նախածնողների սկզբնական զգեստի նմանութիւնն ունի:

Սյնուհետեւ գնում են եկեղեցի և քահանան նախապէս խոստովանեցնելով երկուսին ևս նախապէս տեղեկանում է, թէ կայ արդեօք երկուստեք համաձայնութիւն, յիշեցնում է նոցա պսակի խորհուրդը և յորդորում է մինչև մահ անբաժան ապրել և սիրել միմեանց. և ապա զգեստաւորուելով հրապարակով նոյնն է կրկնում, դարձեալ հարցնելով համաձայն են երկուսն էլ այդ միութեան թէ ոչ և երբ նոքա հրապարակով յայտնում են իրանց յօժարութիւնը, հարսնացուի աջը տալով փեսայի ձեռքը՝ կատարում է ս. խորհուրդը և կապում երկուսի պարանոցին նարոտ:

Հայոց եկեղեցին թագի գործածութիւնը չունի, բայց մի քանի տեղերում ընդունուած է իբրև նորամուծութիւն:

Պսակի խորհուրդի վերջին քահանան օրհնում է ըստակը ի նշան Քրիստոսի Կանա Գալիլիայի հարսանիքում կատարած հրաշագոր-

ծութեան և խմեցնում նորապսակներին, որից յետոյ եկեղեցական հանդիսով տանում է նոցա տուն:

ՎԵՐՋԻՆ ՕԾՈՒՄ: Հայաստանեայց եկեղեցին վերջին օծման խորհուրդը կատարում է առանց օծման. այդ խորհրդի արտաքին ծէսըն այսպէս է կատարուում. քահանան գնում է ծանր հիւանդի մօտ և սահմանեալ կարգը կատարելով խոստովանեցնում և հաղորդում է նորան, որով նա սրբւում է ներելի մեղքերից: Այդ գործողութիւնը կոչւում է նաև թոշակ:

Բ. Տ օ ն ե Ր Ը:

Տօն նշանակում է հանգիստ կամ ազատութիւն աշխարհային գործերից, որ առանց արգելքի կարողանանք Աստծուն ծառայել: Տօն օրերը եկեղեցին սահմանադրել է կատարել կամ Տէրունական օրեւէ գլխաւոր դէպքի և կամ նշանաւոր սուրբերի յիշատակը:

Եկեղեցին Տէրունական տօները սահմանել է այն նպատակով, որ մենք լիշենք այն անցքերը, որոնք քրիստոնէական հաւատի հիմքն են կազմում, որ մարդս կեանքի հոգսերի մէջ մի բարոյական մխիթարութիւն ու-

նենայ և Աստուծուն շնորհակալութիւն մատուցանենք նորա մեզ տուած բարութեանց համար. իսկ սուրբերի տօները սահմանուած են յաւերժացնելու և յարգելու առաքինի մարդկանց լիշատակը, և որպէս զի աշխատենք նրմանել նոցա կեանքի օրինակին: Այստեղից պարզ է, որ տօն օրերը պէտք է թողնենք մեր աշխարհային բոլոր զբաղմունքը և նուիրուինք հոգևոր և աստուածահաճոյ գործերին:

Եկեղեցու անդրանիկ տօնը Քրիստոսի յարութեան տօնն է, որ սահմանեցին տօնել առաքեալները Քրիստոսի յարութիւնից անմիջապէս յետոյ՝ միաշաբաթ օրը, անուանելով կիւրակէ, որ նշանակում է Տէրունական: Այդ տօնը Հայոց եկեղեցին մինչև այժմ էլ տօնում է կիւրակի օրերը:

Հայոց եկեղեցական տօները երկուսի են բաժանուում. անշարժ և շարժական. և այս առաջանում է նորանից, որ Զատիկի տօնը, որից կախումն ունին մնացեալ տօների մեծագոյն մասը, միշտ միևնոյն օրը չի գալիս և գորա հետ միասին յետ ու առաջ են շարժուում և մնացեալ տօները:

Անշարժ տօներն են՝ Մարիամ ս. Կուսի աւետումն, Յիսուսի ծնունդը, Տեառնընդառաջ

և Աստուածածնի երեք տօները. իսկ Զատիկի տօնը և մնացեալ բոլոր տօները շարժական են:

Մեր եկեղեցին սպաշխարութեան օրերը ոչ մի տօն չէ տօնում, բացի անշարժ տօներից. միմիայն առաքեալների սահմանադրութեամբ մեծ պահքի շաբաթ օրերը կատարուում է սրբոց լիշատակ:

Բացի սովորական տօները, մեր եկեղեցին շաբաթուայ իւրաքանչիւր օրուան առանձին նշանակութիւն է տալիս. այսպէս՝

Միաշաբաթ կամ կիւրակէ՝ յարութեան և արարչութեան ա. օրուան է նուիրուած:

Երկուշաբթի օրը լիշատակ է հրեշտակաց և արարչութեան բ. օրուայ:

Երեքշաբթի՝ մարգարէից և գ. օրուայ:

Չորեքշաբթի՝ ս. Կուսի Աւետեաց և գ. օրուայ:

Հինգշաբթի՝ առաքելոց և ե. օրուայ:

Ուրբաթ՝ Խաչի և գ. օրուայ:

Շաբաթ՝ սրբոց, Քրիստոսի թաղման և հանգստեան:

ՏԵՍԱԿՆԵՐԸ՝ Տօները երկու տեսակ են՝ Տէրունական և սրբոց:

Տէրունական բոլոր տօները, որոնց թւում և Աստուածածնայ տօները, պահում ենք կիւ-

րակի: Իսկ սրբոց տօներէց կիւրակի են պահ-
ւում միայն քանի մի նշանաւոր ընդհանուր
և ազգային սրբոց տօներ, մնացեալները չեն
պահւում:

Յ ե ռ ո շ Ա հ յ ա Ա տ օ Ա Ե Ռ:

Տէրունական կոչւում են այն տօները,
որոնք մեր Տէր Յիսուս Քրիստոսի երկրաւոր
կեանքի նշանաւոր դէպքերի լիշատակին են
նուիրուած. դոքա են՝

Ապրիլի 7. Աւետումս ս. Կուսին: Աւե-
տեաց տօնը անշարժ է և կատարւում է միշտ
Ապրիլի 7-ին, որովհետև կապ ունի Քրիստոսի
ծննդեան տօնի հետ:

Յունուարի 6 ծնունդ եւ մկրտութիւն
Քրիստոսի: Քրիստոսի ծննդեան և մկրտու-
թեան տօնը նոյնպէս անշարժ է և կատար-
ւում է միշտ Յունուարի 6-ին. առաջին չորս
դարում բոլոր քրիստոնեաները այդ տօները
կատարում էին միասին Յունուարի 6-ին. հին-
գերորդ դարից միւս ազգերը Քրիստոսի ծը-
նունդը սահմանեցին Դեկտեմբերի 25-ին տօ-
նել, իսկ մկրտութիւնը Յունուարի 6-ին, բայց
Հայոց եկեղեցին հաստատ մնաց առաքելա-
ւանդ սահմանադրութեան վերայ և մենք
մինչև այսօր տօնում ենք երկու տօնը միա-

սին Յունուարի 6-ին: Այդ տօնը տեւում է ութ
օր առանց պահքի:

Յունուարի 13. անուանակոչութիւն Տեա-
ռըն:

Փետրուարի 14. Տիրոջ քառասորեսայ
տաճար տանուելը:

Ժաղկազարդ — Քրիստոսի հանդիսաւոր
մուտքը Երուսաղէմ:

Չատիկ — Յիսուսի յարութիւնը: — Յիսու-
սի յարութիւնը պատահեցաւ Հրէից Պասէքի
տօնին, այն է Հրէից Եգիպտոսից դուրս գա-
լու օրը. Պասէք նշանակում է ելք. զատիկ
նոյնպէս նշանակում է անջատումն, հեռանա-
լը. այդ պատճառով էլ Յիսուսի յարութեան
տօնը կոչւում է նաև Պասէք կամ Չատիկ, ո-
րովհետև ինչպէս Հրէաները ազատուեցան Ե-
գիպտոսի ծառայութիւնից, այնպէս էլ Յիսուս
իւր յարութիւնով մարդկային ազգը ազատեց
յաւիտենական մահից և ընդհանրական յարու-
թեան յոյս պարգևեց մեզ:

Յիսուսի յարութեան տօնը, իբրև անդ-
րանիկ տօն, ամենայն շքեղութեամբ ենք կա-
տարում. նախընթաց երեկոյին լինում է նա-
ւակատիք և այդ երկոյին ս. Պատարագից յե-
տոյ թաթախում ենք ուտեաց կերակուրնե-
րով բացի մսից:

Երեկոյեան լինում է ճրագալոյց, այսինքրն եկեղեցիներում և ամեն տեղ ճրագավառութիւն է լինում:

Գիշերը հսկում է լինում:

Առաւօտը լինում է թափօր, և ապա հանգիսաւոր պատարագ:

Քահանայք գնում են ժողովրդի տները աւետելու Քրիստոսի յարութիւնը:

40 օր յարութեան տօն է կատարուում և ուտիք է լինում:

Համըարձումն, որ կատարուում է միշտ յիսուներորդ օրը Զատիկից յետոյ:

Սուրբ Հոգու գալուստը վերնատանը: Պենտէկոստէ կամ Յինունք: Այդ տօնը կոչուում է Պենտէկոստէ (50 օր), որովհետև հրէաները Պասէքի 50-երորդ օրը տօնում էին և այդ տօնին իջաւ սուրբ Հոգին առաքեալների վերայ:

Հոգեգալստեան տօնը ս. Ներսէս Ծնորդալու սահմանադրութեամբ կատարուում է եօթն օր պահեցողութեամբ և պատշաճաւոր շարականներով:

Զրիստոսի Պայծառակերպութիւնը Թափօր լերան վերայ: Այդ տօնը կոչուում է և Վարդավառ, որովհետև երբ Ս. Գրիգոր Լուսաւորիչը տօներ էր սահմանում՝ Պայծառա-

կերպութեան տօնը կարգեց հին հայոց Վարդավառ տօնի փոխարէն, որի անունը մնաց մինչև այժմ, ինչպէս նաև հին Վարդավառի տօնական սովորութիւնները, այն է միմեանց վերայ ջուր ցանել և աղաւնի թըռցնելը:

Ս. ԴՄԱՅ.— Ս. Խաչի վերացումը և Խաչգիւտ: Խաչվերացի տօնը կատարուում է մեծ հանդիսով: Այդ օրը երեկոյեան մի ափսէի վերայ բազմեցնելով կենաց փայտի մասունք պարունակող Խաչը և զարդարելով ռեհանով, ծաղիկներով և վարդաջրով՝ թափօր են հանում եկեղեցու գաւթում և տեառնագրում աշխարհի չորս կողմերը: Խաչվերացի տօնը կատարուում է ութն օր:

Աստուածածնի տօներ.

Վերափոխումն: Այս տօնը շարժական է և կատարուում է օգոստոս ամսին, այդ օրը եկեղեցիներում կատարուում է խաղողի օրհնութիւն:

Դեկտեմբերի 9. յղութիւն ս. Աստուածածնի Աննայից:

Սեպտեմբերի 8. ծնունդ ս. Կուսին:

Նոյեմբերի 21. երեքամիայ տաճար տանուիլը:

Հոգեգալստից յետոյ չորրորդ կիրակին տօնուում է Աստուածածնայ տիոյ գուման տօնը, 'ի յիշատակ այն դէպքի, որ երկու իշխաններ ուխտ գնալով Երուսաղէմ՝ գտան մի հրէայ կնոջ մօտ Աստուածածնայ գլխադիրը և վերցնելով տանում են Կոստանդնուպօլիս պատրիարքին, որ հանդիսով դնում է եկեղեցում և տօն սահմանում:

Վերափոխումից յետոյ երրորդ կիրակի օրը տօնում ենք ս. Աստուածածնայ Գօտին գտնելու յիշատակը, որ գտնուելով Երուսաղէմում տարան Կ. Պօլիս և ի պատիւ նորա շինելով առանձին եկեղեցի՝ դրին այնտեղ:

Սրբոց գլխաւոր տօներ.

Տօն սուրբ Թադէոս և Բարդուղիմէոս առաքեալների և Հայաստանի առաջին Լուսաւորիչների:

Թադէոս առաքեալի և Սանդուխտ կուսի նահատակութեան տօնը:

Հայաստանի երկրորդ Լուսաւորիչ ս. Գրիգոր Հայրապետի շարչարանաց և վերապը մտնելու տօնը:

Ս. Գրիգոր Լուսաւորչի վիրապից ելննելու տօնը:

Ս. Գրիգոր Լուսաւորչի նշխարները գըտնելու տօնը Գառնիկ ճգնաւորի ձեռքով:

Ս. Էջմիածնի տօնը, որ ամենամեծ հանդիսով կատարուում է Հայաստանեայց բոլոր եկեղեցիներում (եկեղեցու տօն):

Ս. Գաբրիէլ և Միքայէլ Հրեշտակապետների տօնը:

Ս. Սահակ և Մեսրոպ թարգմանիչների տօնը, որոնք գտան Հայոց տառերը, թարգմանեցին Աստուածաշունչ գիրքը և ուսումնարաններ բանալով՝ ուսում և դպրութիւն տարածեցին ամեն տեղ:

Ս. Վարդանանց զօրավարների և հազար երեսուն և վեց վկաների նահատակութեան տօնը:

Ամենայն սրբոց տօնը: Բացի վերը լիշած սրբերից և մնացեալ երկրորդական սրբերից, որոնց տօնում է եկեղեցին, մեր եկեղեցին սահմանած ունի այլ ևս մի տօն ամենայն սրբոց անունով այն ամեն անձանց յիշատակի համար, որոնք իրանց կեանքը անցրել են սրբութեամբ և առաքինական գործերով, բայց չեն տօնուում կամ որոնց գործերը յայտնի չեն եղել:

Տօնական յատուկ շաբաթներ.

Բացի յիշատակած տօներէից և մնացեալ սրբոց յիշատակներէից՝ մեր եկեղեցին տարուայ շաբաթների մեծ մասը նուիրած ունի ՚ի յիշատակ աւետարանական զանազան առակների կամ կրօնական դէպքերի, դոքա են. —

ՄԵԾ ՊԱՀՔԻ առաջին և երկրորդ կիւրակիները՝ կոչուում են արտաքսման և յիշատակ է Ադամի արտաքսուելուն դրախտից:

Երրորդ կիւրակին կոչուում է Անառակի և յիշատակ է Անառակ որդու առակին, որ Յիսուս պատմեց իւր աշակերտներին:

Չորրորդ կիւրակին կոչուում է Տնտեսի և յիշատակ է Տնտեսի և մեծատան ու աղքատ Ղազարոսի առակներին:

Հինգերորդ կիւրակին կոչուում է Դատաւորի և յիշատակ է անիրաւ դատաւորի առակին:

Վեցերորդ կիւրակին կոչուում է գալստեան, որ յիշատակ է Քրիստոսի առաջին և երկրորդ գալստեան:

ԱՒԱԳ ՇԱԲԱԹ կոչուում է մեծ պահքի վերջին շաբաթը, որ Յիսուսի չարչարանքի, մահուան և թաղման խորհուրդն ունի. իսկ իւրաքանչիւր օրն առանձին խորհուրդ ունի. այսպէս՝

Երկուշաբթի. երգերն ու ընթերցուածներն աշխարհի արարչութեան, Ադամի արտաքսման և Աստուծոյ տուած խոստման են նուիրուած:

Երեքշաբթին յիշատակ է ջրհեղեղի, տասն կուսանաց, քանքարների առակին և վերջին դատաստանին:

Չորեքշաբթին յիշատակ է Սողոմ Գոմորի կործանման և Յուդայի մատնութեան: Չորեքշաբթի սովորական ժամերգութիւնից յետոյ գիշերը կատարուում է գիշեր ժամուաղօթքը:

Հինգշաբթին յիշատակ է խորհրդական ընթրիքի վերնատանը, ուր Քրիստոս սահմանեց հաղորդութեան խորհուրդը:

Սյդ օրը երեկոյեան ժամին՝ կատարուում է ոտնալուայի կարգը, որի խորհուրդն այս է, թէ ինքը Փրկիչը և Տէրը խոնարհեց և լուաց իւր աշակերտների ոտները, որով սիրոյ և խոնարհութեան յորդոր կարգաց իւր աշակերտներին և աւետարանի հետեւողներին:

Նոյն գիշերը կատարուում է հետեւեալ օրուայ՝ աւագ ուրբաթի գիշերային և առաւօտեան ժամերգութիւնը, չարչարանաց կարգը և կարգացուում է Յիսուսի կտակը:

Ուրբաթ օրը յիշատակ է Գրիստոսի խաչելութեան և մահուան: Ճաշի ժամերգութեանը կատարուում է խաչելութեան, իսկ երեկոյին՝ թաղման կարգը:

Շաբաթ օրը Գրիստոսի թաղման յիշատակն է: Երեկոյին կատարուում է նախատօնակ, ճրագալոյց է լինում և սահճքը լուծուում է ամեն տեսակ ուտեաց կերակրով, բացի մսից:

Յ ի ն ո ս ն ք:

Ձատկի հետեւեալ կիւրակին կոչուում է նոր կիրակի կամ կրկնազատիկ, ՚ի յիշատակ Յիսուսի իւր շարութիւնից յետոյ աշակերտաց երեւալուն վերնատանը և Թովմա առաքեալի հաւատալուն: Իսկ Ձատկից մինչև Հոգեգալուստ եղած յիսնօրեայ միջոցը կոչուում է յինունք կամ յինանց օրեր (յիսնունք—50 օր):

Երրորդ կիւրակին կոչուում է աշխարհամատրան. այդպէս կոչուում է այն առաջին եկեղեցին, որ առաքեալները հիմնեցին վերնատան կից, ինչպէս նաև բոլոր նշանաւոր և աւագ եկեղեցիները: Մեզանում Աշխարհամատուուն կոչուում է Մայր Աթոռ Կաթողիկէ Էջմիածինը:

Չորրորդ կիւրակին կոչուում է Կարմիր կիւրակի:

Հինգերորդ կիւրակի *Նրեման խաչի* տօն է ՚ի յիշատակ այն դէպքի, որ 351 թ. մայիսի 7-ին Գրիստոսի ս. Խաչը խաչաձև ճառագայթներով փայլեց օդի մէջ Գողգոթա սարի գլխին, որի լոյսը տարածուում էր մինչև Զիթենեաց սարի գլուխը:

Եօթներորդ կիւրակին կոչուում է երկրորդ ծաղկազարդ և այս խորհուրդն ունի.— աւանդութիւն կայ, թէ երբ ս. Գրիգոր Լուսաւորիչը Խորվիրապի մէջ էր, մի հրեշտակ սպաւաւորում էր նորան. Համբարձման չորրորդ օրը՝ կիւրակի—հրեշտակն էլ չէ երեւում և միւս օրը ս. Գրիգորը պատճառը հարցնելով իմանում է, որ այդ օրը երկնքում հրեշտակների դասը տօնում էր Յիսուսի երկրից համբառնալու և երկինքը մտնելու տօնը. և այդ օրը չորրորդ դասակարգութեան տօնն էր: 12-դ դարում Գրիգոր Վկայասէր կաթողիկոսը սահմանեց հանդիսով տօնել այդ օրը և գրեց այդ առիթով մի յատուկ շարական «Մեծահրաշ» սկսուածքով:

Հոգեգալստից յետոյ առաջին կիւրակին կոչուում է յարութեան առաջին կիրակի և

այնուհետև բոլոր կիւրակիները յարութեան են կոչուում մինչև բուն բարիկենդանը:

Հոգեգալստի երկրորդ շաբաթը Արարատեան դաշտի տօնն է և Հայոց նուիրական տօների գլխաւորները տօնուում են այդ շաբաթուայ ընթացքում, այսպէս՝ երկուշաբթի Հռիփսիմեան կոյսերի տօնն է, երեքշաբթի Գայիանեան կոյսերի, հինգշաբթի Յովհաննէս Կարապետի և Աթանազիսէ եպիսկոպոսի, որոնց նշխանները սուրբ Գրիգոր Լուսաւորիչը զետեղեց Տարօն գաւառի Մուշ գիւղաքաղաքում, իւր շինած եկեղեցու մէջ, շաբաթ ս. Գրիգոր Լուսաւորչի Խորվիրապից գուրս գալու տօն է և կիւրակի՝ ս. Էջմիածնի տօնն է: Այդ բոլոր տօներն էլ կատարուում են նախատօնակներով և մեծ հանդիսով, մանաւանդ ս. Էջմիածնի տօնը, որ ս. Լուսաւորիչն է սահմանել հէնց շինելուց յետոյ:

Երկրորդ կիւրակէի շաբաթ օրը տօնուում ենք Մեծ Ենքսէս հայրապետի տօնը, որ չորրորդ դարում վարելով հայրապետական իշխանութիւնը նշանաւոր ծառայութիւն արաւ եկեղեցուն և ժողովրդեան, հիմնելով բազմաթիւ բարեգործական հաստատութիւններ և կարգելով նոցա վերայ կառավարիչ իւր սարկաւազ Խաղին:

Վերափոխման բարիկենդանի շաբաթ օրը տօն է Եփեսոսի տիեզերական սուրբ Ժողովի 200 հայրապետների, որ 431 թուին գումարուեցաւ Եփեսոս քաղաքում, ուր դատաւարտեցին յունաց Նեստոր աղանդաւոր պատրիարքին, որ Յիսուսին լոկ մարդ էր համարում և ս. Կուսին՝ մարդածին և ոչ աստուածածին և խոստովանեցին Յիսուսին Աստուծոյ ճշմարիտ որդի և սուրբ կոյսը Աստուածածին:

Վերափոխման շաբաթ օրը տօն է Շողակաթի ս. Էջմիածնի, ըստ տեսւեան սրբոյն Գրիգորի Լուսաւորչի մերոյ: Այդ տօնը յիշատակ է ս. Լուսաւորչի տեսիլքին, երբ մի լուսեղէն մարդ, այն է Աստուծոյ Միածին Որդին ոսկէ ուռը ձեռին իջաւ Վաղարշապատի քաղաքամիջում և նորա իջման տեղը (Էջմիածին) լուսեղէն կերպով գծագրուեցաւ մայր եկեղեցու շինութեան ձեւը և Աստուածեղէն շողը կաթեցաւ այնտեղ, որի համար և ասում ենք Շողակաթ:

Սուրբ Խաչի վերացման բարիկենդանի շաբաթ օրը տօն է Նիկիոյ տիեզերական ս. Ժողովի 318 հայրապետների, որ գումարուեցաւ 325 թուին Նիկիա քաղաքում, ուր հերքեցին Աղէքսանդրացի Արիոս երէցի աղանդը և գրեցին հտւատոյ դաւանութիւնը: «Հաւա-

տամբը: Արիօսը քարոզում էր թէ Որդին Աստուած ծնուած չէ Հօր էութիւնից:

Սուրբ Խաչի վերացման տօնից երկու շաբաթ յետոյ տօնում ենք Վարազայ ս. խաչի տօնը: Յայտնի է, որ Հռիփսիմեան կոյսերը Հռոմից Հայաստան փախչելով՝ նախապէս բարձրացան Վարազ սարը և այնտեղ Հռիփսիմէ կոյսը թաղեց Քրիստոսի խաչափայտի մասունքը, որ ժառանգաբար անցել էր իրան և որ կրում էր իւր պարանոցին. խաչափայտի այդ մասը 653 թուին մի հրաշքով յայտնուեցաւ նոյն սարի վերայ ճգնուող Թօզիկ ճգնաւորին և Ներսէս գ. Շինող կոչուած հայրապետը այդ խաչի պատուին տօն և պահք սահմանեց հոկտեմբեր ամսին: Այդ տօնն է ահա Վարազայ ս. խաչի տօնը:

Առանձին առանձին տօնում ենք Հայոց երկու շնանաւոր թագաւորների տօնը, Արգաթի՝ որ Քրիստոսի ժամանակ Հայաստանում առաջին անգամ քրիստոնէութիւնը տարածելու գլխաւոր պատճառը եղաւ, և Տրդատի, որ մեծապէս նպաստեց Հայաստանի երկրորդ լուսաւորութեանը քրիստոնէական լուսով:

Աւագ տօներ: Ծննդեան տօնից առաջ, ս. Յովհան Օձնեցի Հայրապետի կարգադրութեամբ տօնում ենք Դաւիթ մարգարէի և Յակոբ առաքեալի, Ստեփաննոս նախավրկայի, Պետրոս և Պողոս առաքեալների և Յակովբոս առաքելու և Յովհաննէս աւետարանչի յիշատակը առանձին առանձին, իբրև Յիսուսի ծննդեան վկաների. ուստի և կոչւում են աւագ տօներ: Այս տօները կատարւում են նախատօնակներով և առանձին հանդիսով:

Ծննդից մինչեւ բուն բարեկենդանը տօնւում են հետեւեալ գլխաւոր տօները.

Յովհաննէս Մկրտչի ծնունդը, ութօրէքի հետեւեալ օրը:

Ղեւոնդեանց քահանաների տօնը, որով մենք յիշում ենք հինգերորդ դարի արեւական պատերազմները հաւատի համար, ուր նահատակուեցան Յովսէփ կաթողիկոսը, Սահակ եպիսկոպոս, Ղեւոնդ երէց և ուրիշ շատ ընտիր և անձնագոհ հոգեւորականներ: Ղեւոնդեանց տօնը կատարւում ենք բուն բարեկենդանի շաբաթի երեքշաբթի օրը:

Վարդանանց զօրավարների և հազար

երեսուն և վեց վկաների նահատակութեան
տօնը մեծ հանգիստով կատարուած է նոյն շաբա-
թի հինգշաբթի օրը:

Բուն բարիկենդանի շաբաթ օրը տօն է
միշտ Կոստանդնուպօլսի սուրբ Ժողովի և հա-
րիւր յիսուն հայրապետների տօնը, որ գու-
մարուեցաւ 381 թուին Կ. Պօլսում և ուր
նզովեցին Կ. Պօլսի պատրիարք Մակեդոնին,
որը հայհոյում էր սուրբ Հոգուն:

գ, Նիւթական եկեղեցու կազմակերպութիւնը.

Նիւթական եկեղեցին զանազան ազգերի
մէջ տարբեր է լինում թէ արտաքին ձեւով
ամբողջապէս կամ մասամբ և թէ նորա կազ-
մակերպութեան վերաբերեալ ճիսակատարու-
թիւններով: Իսկ թէ ինչպէս է այդ ամենը
կատարում մեր եկեղեցին՝ արդէն մանրամասն
ասացինք իւր տեղում:

Կրկնել „Աստուածապաշտութեան տեղը—եկե-
ղեցին,“):

**դ, Ս. Խաչի, սրբոց մասունքների և պատկերների
յարգութիւնը:**

Հին դարերից սկսած Քրիստոսից յետոյ
խաչի նշանը, իբրեւ տէրունական և մարդ-
կային ազգի փրկութեան նշան, յարգում և
պատուում էին քրիստոնեայք, բայց ոչ թէ
կռապաշտների պէս պաշտում էին նորան:
Այսպէս էլ շատ վաղուց սովորութիւն մտաւ
եկեղեցին զարդարել փրկչական պատկերով և
հին ու նոր կտակարանի զանազան դէպքերի
նկարներով:

Մենք բացի յարգանքից նաեւ համբու-
րում ենք պատկերները, բայց այդ համբույրը
ոչ թէ անզգայ պատկերին ենք տալիս, այլ
նորա նախատիպին, մեր մտքերը ուղղելով
պատկերի ճիւղ, դէպի ուրը աղօթում ենք
կամ նոցա միջնորդութիւնը խնդրում:

(Կրկնել Ե. գլխից „Խաչ“ եւ „Պատկեր“):

ե, Պահք և ծոմ:

Պահք կամ պահեցողութիւնն այն է, որ
մարդիկ որոշեալ օրերին զրկում են իրանց
մսեղէն և իւղեղէն կերակրներից. իսկ ծոմը
ուղղակի անսուղղութիւն է, որպիսի օրերը

ոչինչ չէին ուտում մինչեւ երեկոյ, իսկ երեկոներն էլ գրեթէ հացով ու ջրով էին լուծում, ինչպէս նաեւ Հայերն էլ՝ աղով ու հացով, որից և քառասնորդական պահքը աղուհացից օրեր անուանեցաւ մեզանում:

Պահքը սահմանուած է ժուժկալուժեան համար, որպէս զի մարդս կարողանայ զսպել իրան որկրամուլուժիւնից և զեղիս կեանքից. և պարտադիր է ամեն քրիստոնէի համար, իսկ ծոմը միայն կամաւոր է:

Հայաստանեայց եկեղեցին սահմանած է ամեն չորեքշաբթի և ուրբաթ պահել՝ առաջինը ի պատիւ Աւետեաց Աստուածամօր, իսկ երկրորդը իբրեւ յիշատակ Յիսուսի խաչելութեան և այդ օրերը սրբոց տօներ ամենեւին չեն լինում: Բացի դորանից Հայոց եկեղեցին Տէրունական հինգ տօների և իւրաքանչիւր ամսուայ համար մի մի շաբաթ պահք ունի, այն է 17 շաբաթ. սուրբերի համար մեր եկեղեցին պահք չունի սահմանած, այլ միայն տօն, իսկ նոցա անունով կոչուած պահքերը՝ ամսական են: Եւ այսպէս՝ ս. Սարգսի, Եղիական, Լուսաւորչի և ս. Յակովբի պահքերն ամսական պահքեր են. շաբաթական պահքերը հետեւեալներն են.

ա. Իեկտեմբերի 30-ից մինչեւ Յունուարի 5-ը ի պատիւ *Քրիստոսի ծննդեան*, և այդ ժամանակ տօներ չեն տօնուում, բացի շաբաթ օրից:

բ. Առաջաւորաց պահք-5 օր. չորս օր առանց տօների, իսկ ուրբաթ օրը՝ Յովնան մարգարէի յիշատակ:

գ. Բառասնորդական կամ մեծ պահք, յիսուն օր, որոնցից իւրաքանչիւր շաբաթ սրբոց տօներ են կատարուում:

դ. Եղիական պահք-5 օր, երեքը սրբոց տօներով:

ե. Լուսաւորչի պահք-5 օր, երեքը սրբոց տօներով:

զ. Վարդավառի պահք-5 օր առանց տօների:

է. Աստուածածնի վերափոխման պահք-5 օր առանց տօների:

ը. Սուրբ խաչի վերացման պահք-5 օր, առանց տօների:

թ. Վարազայ ս. խաչի պահք-5 օր, երեքը սրբոց տօներով:

ժ. Յիսնակաց պահք-5-օր, երեքը սրբոց տօներով:

ժա. Սուրբ Յակովբի պահք-5-օր, երեքը սրբոց տօներով:

Սոցանից Աստուածայայտնութեան, Յարութեան, Վարդավառի, Վերափոխման և ս. Խաչի վերացման պահքերը կոչուում են նաև կատեաց պասեր և այդ օրերին-Աստուածայայտնութեան և ս. Յարութեան ճրագալուցի օրերն ու միև էրեք պասերի շաբաթ օրերը մեր եկեղեցին արգելած է մսի գործածութիւնը՝ հրէաներից որոշուելու համար, որոնք այդ օրերը զոհ էին անում:

գ. Սրբազան արարողութիւններ:

Բացի հասարակաց աղօթքից և ս. խորհուրդների ծէսերից՝ եկեղեցին ունի սրբազան արարողութիւններ. որք են.

Եւաջալուայ. ինչպէս որ հրեշտակը իջնելով Պրոպատիկէ աւագանի մէջ՝ ջուրը խառնում էր և նորա մէջ լողացողները առողջանում էին իրանց ցաւերից, այնպէս էլ եկեղեցին ընդունած է ջրի օրհնութիւնը և առանձին կարգ ունի սահմանած դորա համար: Քահանայն խաչով և աւետարանով երեք անգամ տեառնազրելով ջուրը՝ օրհնում է այն, որով սրբուում է ջուրը հաւատացեալներին սրբելու համար:

Ննջեցելոց թաղումն: Հայոց եկեղեցին

ննջեցելոց թաղումը կատարում է առանձին հանդիսով, դորա համար Մաշտոցում որոշուած կարգով. թաղման կարգերը երեք տեսակ են. տղայաթաղ, մեծի թաղման և քահանայաթաղ:

Բոլոր ննջեցեալների թաղմանը միատեսակ գործ են դրում հետևեալ ծէսերը. լուացում, պատանելը սպիտակ կաւով, մոմ վառել և խունկ ծխել, ամբիժք ասել, թաղման, այգի, եօթնօրեայ, քառասնից և տարելիցի կարգ և գերեզմանօրհնէք: Իսկ քահանաների, եպիսկոպոսների ու կաթողիկոսների թաղման կարգը առաւել մեծ հանդէսով է լինում և բացի վերոյիշեալ ծէսերից՝ նոցա զգեստաւորում են ամբողջ զգեստով և օծում ս. Միւռոնով:

Լուանալը հնուց մնացած սովորութիւն է ՚ի նշան յարգանքի դէպի ննջեցեալը:

Պատանը անապականութեան նշան է: Մոմը Յիսուսի գերեզմանի երկու հրեշտակների օրինակն է:

Խունկ ծխելը յարգանքի նշան է դէպի հանգուցեալը:

Ամբիժքը առաքելոց ժամանակից է մընացած, որ կատարուում էր գիշերը ննջեցեալի մեղքերի թողութեան համար:

Այգի և եօթնօրէից կարգը առնուած է հին ուխտի եկեղեցուց և մեզանում կատարուում է ս. պատարագ մատուցանելով. իսկ քառասնիցը առաքելների սահմանադրութեամբ է կատարուում, ի յիշատակ Քրիստոսի քառասնօրեայ համբարձման:

Տարելիցը և գերեզմանօրհնէքը կատարելով՝ աւետում ենք ննջեցեալներին երկրորդ զալստեան յոյսը:

Մաղթանք: Կեանքի առանձին դիպուածներում եկեղեցին սահմանել է առանձին մաղթանք կատարել հայցելով տիրոջ օգնութիւնը. այն է երաշտի, մորելի և ժանտախտի ժամանակ, թափօր կատարելով աշխարհիս չորս կողմերը. իսկ ծանր հիւանդութեան և այլ պատահարների ժամանակ կատարուում են մաղթանքներ ցանկացողի համար առանձին:

Տնօրհնէք. հաւատացեալների տները ս. Ծննդեան և Յարութեան տօներին աւետելու սովորութիւնը սկսուած է առաքելների ժամանակից և պարտաւորական է մեր քահանաների համար ս. Աւետարանով և եկեղեցական զգեստով այդ տօներին գնալ ամեն տուն և օրհնել:

Կալօրհնէք և հնձանօրհնէք: Կալը և հնձանը գլխաւորապէս օրհնում են այն նպա-

տակով, որ դոքա են ս. խորհրդի համար նուիրական ընծաները մատակարարում—հացը և գինին և միւս կողմից ս. Լուսաւորչի սահմանադրութեամբ քահանաներն օրհնում են կալը և հնձանը՝ երկրի բերքերից իրանց ապրուստի համար տասանորդ ստանալու նպատակով:

Մատաղ: Մատաղը մեզանում զոհ չէ համարուում, որովհետև ինքն Տէրն մեր Յիսուս զոհուեցաւ խաչի վերայ մեր վրկութեան համար. այլ մեր մէջ ընդունուած է մատաղ անել նշանաւոր Տէրունական և սրբոց տօներին ՚ի յիշատակ ննջեցելոց՝ աղքատներին կերակրելու համար, իբրև հոգեհաց. իսկ աղը օրհնում ենք մատաղացու կենդանուց սրբելու սկզբնական անէծքը:

Զգեստ, Սկիհ եւ Մաղվայ օրհնել: Եկեղեցական զգեստներն ու անօթները օրհնում ենք, որպէս զի նոքա որոշուին հասարակ գործածական զգեստներից և անօթներից և սրբուելով նուիրական գործածելի լինին Աստուծոյ սպասաւորութեան համար:

Է. Հոգեւոր աւանդութիւններ:

Կան և ուրիշ շատ հոգեւոր աւանդութիւններ, որոնք աւանդաբար հասել են մեզ կամ իբրև յիշատակ սր և է կրօնական զէպլքի և կամ հաւատացեալների ջերմեռանդութիւնը արծարծելու միջոց:

Գլխաւոր աւանդութիւնները սուք են.

Մասն: Ովքեր ս. պատարագին չեն հաղորդուում, այդպիսիներին ս. Սեղանից անմասրն չթողնելու համար՝ բաժանում են մասն փոխանակ հաղորդութեան. մասը պատրաստուում է բաղարջ հացից և մինչեւ պատարագի վերջը պահուում է սեղանի ետեւը:

Ժամոց, յիշելիք եւ գանձանակ: Ժամոց և յիշելիք քրիստոնեան տալիս է քահանային, որ նա իւր ննջեցեալներն ու կենդանիները յիշէ անմահ պատարագին և միեւնոյն ժամանակ նորանով քահանան իւր ապրուստը հայթալթէ: Իսկ գանձանակը սահմանեցին առաքեալները՝ աղքատներին և կարօտեալներին օգնելու համար:

Ուխտ. Առաջին դարերում քրիստոնեաները սուրբերի նահատակութեան տարեգարձներին գնալով նոցա գերեզմանների վերայ

շինած մատուռներում, կատարում էին Աստուածպաշտութեան կարգը, բնութեան ահից, որից և մնաց սովորութիւն եկեղեցիները ուխտ գնալ:

Սեղան: Քրիստոնէութեան առաջին դարերում ննջեցեալի տէր հաւատացեալները սովորութիւն ունէին յատուկ սեղան պատրաստել և եկեղեցի տանել, ուր բոլոր հաւատացեալները միասին ժողոված վայելում էին. այստեղից մնացել է աւանդաբար, որ այժմ հինգ նաւակատիքի տօներին ննջեցեալի տէրը սեղան է ուղարկում քահանային:

Ուռ քաժանելը: Ծաղկազարդի առաւօլտեան ժամերգութեան «Փառքի բարձունս»-ի ժամանակ բաժանում են ուռի ոստեր, 'ի յիշատակ Քրիստոսի Երուսաղէմ մտնելու, երբ Հրէաները ընդ առաջ գնացին նորան ձիթենու և արմաւենու ճիւղերով:

Կարագ քաժանելը ոտնալուային: Կարագը յիշատակ է այն կնոջը, որ իւրով օծեց Յիսուսի գլուխը Սիմոն բորոտի տանը:

Հրավառութիւն: Հայաստանում Բագառինջ գիւղում Արամազդի մեհեան կար, որի տօնը կատարում էին փետրուար ամսին, հրապարակում կրակ վառելով և պար բռնելով

նորա շուրջ. երբ Տեառնընդառաջի տօնը սահմանուեցաւ փետրուար ամսի 14 ին, հետեանսական տօնը վերացաւ, բայց փայտ վառելու սովորութիւնը մնաց մինչև այժմ:

Աղանի թոցնելու սովորութիւնը Վարդավառի տօնին մնացած է ի յիշատակ Նոյի աղանի թոցնելուն իբրև ջրհեղեղից ազատուելուն յիշատակ:



10931
10932
10933
10934

2075

ՀՀ Ազգային գրադարան



NL0005350

ՀՀ Ազգային գրադարան



NL0005351

ՀՀ Ազգային գրադարան



NL0005135

ՀՀ Ազգային գրադարան



NL0005136

